

نحویہ دل دریا

جمیل ملک

مؤلف
۹۹

ونجھلی داوِل دریا

(پنجابی گیت)

جمیل ملک

۱۹۸۷ء توں ۱۹۹۹ء تیک

نوید پبلشرز این ر ۲۲۲، پراچہ سٹریٹ، سرکلر روڈ راولپنڈی

فون نمبر ۵۵۵۹۶۲۰

بھے حق لکھاری دے

و نجل وادل دریا	کتاب
جہیل ملک	لکھاری
پنج سو	کنتی
نومبر ۲۰۰۰ء	پہلی واری
اختر شیخ	کپوزنگ
بشیر موجد	سرورق
نوید جہیل	عکاسی
فیض الاسلام پرنٹنگ پریس، راولپنڈی	چھاپن ہار
نوید پبلشرز، این ۲۲۲، پراچہ سٹریٹ	ناشر
سرکلر روڈ، راولپنڈی	
۱۸۰ روپے	قیمت



انتساب

خطہ پوٹھوہار دے اک سرخیل، شاعر، ادیب، نقاد تے محقق
افضل پرویز دے نال
مجتا نال



وَنجھل دا دل دریا
ایدھی لہر لہر وچ گیت ایدھا وکھرا سُر شگیت
بھاویں دکھ ہووے یا سکھ ایہہ ساڈے من دی میت
ایدھے ساہ وچ سبھ دا ساہ
وَنجھل دا دل دریا



و بجھلی دا دل دریا

۱۱	پنجابی گیتاں دا جمیل ملک (ڈاکٹر اعجاز راہی)	○
۲۱	ایہہ ساری کھیڈ او سے دی (حمید)	○
۲۳	مینوں خالی ہتھ نہ نور (نعتیہ)	○
۲۵	و بجھلی دا دل دریا	○
۲۶	سی تھلاں وچ کوکدی	○
۲۸	میں یار دے ویٹرے نجدی	○
۳۰	کیوں ڈلہ ڈلہ پنڈے ہا سے	○
۳۲	کدے نہ مکن ساڈیاں چاہواں	○
۳۳	ایہہ کھیڈ کھڈونے آگ دے نیں	○
۳۶	اچیاں ذاتاں والے	○
۳۸	کوئی وس نہیں چلدا	○
۴۰	چھوٹی جی عمر دی ننگدی نہیں	○
۴۲	اسی کنڈ دے کے نہیں ندے	○
۴۳	توں میرا پیار بھلائیں نہ	○
۴۴	توں میرا کیہ لگدا!!	○
۴۶	آج لٹ لے پیار دا میلہ	○
۴۸	سدھراں دے پنڈے نہیں مکدے	○
۴۹	میں نواں نکور لکھاری	○
۵۰	مری پائل دے وچ گیت	○


- ۵۱ ○ مرے دل وچ تیری لو
 ۵۳ ○ سلاے پیار دی سُمری بولی
 ۵۴ ○ میں کابنوں لایاں اکھیاں
 ۵۶ ○ مینوں رانجھے جیا نہ ہو رکوئی
 ۵۷ ○ دردوں دی ماری جندڑی
 ۵۹ ○ اسی عمریں دے ترہائے
 ۶۰ ○ اسی رو فنیایں دے مل
 ۶۱ ○ قبریں لئی بار دی مئے نہیں
 ۶۳ ○ عمریں دے پچھتوے
 ۶۴ ○ دل دے اندر دیوا بلے میں جاگن ساری رات
 ۶۵ ○ میں کل کھٹا پنچھی
 ۶۶ ○ ایسے دوہنی گھار دی جوتی
 ۶۷ ○ توں پھل تے میں خشبو
 ۶۸ ○ میں نہ پاواں ایسے پیار دا گستا
 ۷۰ ○ جیجی تیرا پیار بلاوے آجا میرے کول
 ۷۱ ○ سانجھ سانجھ رکھنی آں گندیاں پنولے
 ۷۲ ○ مینوں اپنے دل وچ رکھ لے
 ۷۳ ○ کنیں لوکل مل میں یاری لالئی!
 ۷۴ ○ ایسے دنیا! ایسے جمل
 ۷۵ ○ میں تیرے رنگ وچ رنگیا
 ۷۶ ○ مری ونبھل کیوں کرلاوے!
 ۷۷ ○ ونبھل دے سُرکیہ کندے نہیں!
 ۷۹ ○ سدھراں دی دوہٹی جیدی اے
 ۸۰ ○ بہرے میرے دل وچ بولدا لوہ جن ملے دا مل
 ۸۱ ○ ست رنگی پیگ اسلمنی
 ۸۲ ○ اج کیوں مری اکھ پئی پھڑکے!

- ۸۳ ○ توں دل دی جھوک و سائی
- ۸۴ ○ اہمہ کڑی تے میرے ہن دی اے
- ۸۵ ○ کدی میرے کول دی آجی
- ۸۶ ○ دل سینے دے وچ دھڑکن دے
- ۸۷ ○ اک رانجھا دل دے جھٹک دا
- ۸۸ ○ جھلیاں نہ جانداں اہمہ دلاں دیاں دوریاں
- ۸۹ ○ مری جھولی پا دے ہو روی کچھ
- ۹۰ ○ تیرا سوہتا شہر آبلو روے
- ۹۱ ○ مرے دل وچ پنجا مورنی
- ۹۲ ○ توں کاہنوں لایاں لیکھ!
- ۹۳ ○ ایس دل دی تھلو نہیں بھدی
- ۹۵ ○ میں کھلی میں خیال
- ۹۷ ○ مڑ آجی جی جی دے ویرے
- ۹۹ ○ ملواں، بھیناں، بھر جائیں
- ۱۰۱ ○ ا-تھے جگنو، دا، خشبو سارے میں قیدی
- ۱۰۳ ○ ہر کوئی وکھو مل
- ۱۰۵ ○ کیوں میرے نیزے لگدا ایس!
- ۱۰۷ ○ اوہ کڑی تک دے رنگ دی
- ۱۰۸ ○ بانسواں وچ گجرے پیار دے
- ۱۱۰ ○ مرے مندی والے ہتھ
- ۱۱۲ ○ ترے نک دا سنہری کوکا
- ۱۱۴ ○ کیوں تیریاں رُلیاں اکھیاں!
- ۱۱۶ ○ اہمہ سلڑے روگ اولڑے
- ۱۱۸ ○ کیہ گل کسیے کسں نوں ا-تھے گل کوئی میں
- ۱۲۰ ○ اوہ گلاں بھہ نہیں کسں دیاں
- ۱۲۲ ○ سانوں جیوندیاں مار نہ دیویں

- توں ایس دھرتی دا لال
- اوہ کیوں نہیں بوہا کھولدی!
- اوہ پاندے نت بجھارتاں
- کنوں دساں، کتھے جا کے اپنی پیاس بجھاواں
- اک جندڑی تے لکھ جھیلے
- اتھے پھل دا کوئی نہ مل
- گھر گھر وچ لٹیاں ہیراں
- نہیں بھدے لعل گواچے
- اکھر اکھر ہیرا موتی
- اُنج ایدھی چال تے اتھری اے
- ایسہ چندرا دل نہیں مندا
- میں نس دن سفنے دیکھاں
- اوہ گل کردی تے سنگدی
- ایسہ بلدے، بھدے دیوے
- کسے نیں میرا ہتھ نہیں پھڑیا
- کیسا وسدا شہر اجڑیا!
- نویاں نساں، ساڈیاں فصلاں
- سن، جگنی کیہ پئی آکھے
- ایسہ اچیاں نیویاں راہواں
- کدی دھپ، کدی چھاں
- اسان رنج کے گلاں کیتیاں نہیں
- شام سویرے گھگھیاں کیہڑی مٹھری بولی بولن!
- میں پیار دی بیج وچھاواں
- مرا نواں نواں پیار
- بے خبریا تینوں یاد وی اے
- میں ہور کسے ول کیوں دیکھاں!

- ۱۶۷ ○ ترے پیار دی پینگ ہلاراں
- ۱۶۹ ○ توں کیڑیاں تھاواں ملیاں!
- ۱۷۰ ○ مینوں چھڈ نہ جاویں جہاں میں آن تیری منگ
- ۱۷۲ ○ سبھ کلیاں کھڑ کھڑ پیسیاں
- ۱۷۳ ○ اوہ اٹھدیاں بہندیاں کہندے نیں
- ۱۷۵ ○ کیوں اکھیاں بھر بھر آئیاں
- ۱۷۷ ○ ساڈی و نہجھل دیاں کواں
- ۱۷۹ ○ چرخے دی گھوکر بولے
- ۱۸۱ ○ کیہ ہووے گا جے کر جنگاں فیرا تے چھڑ پئیاں
- ۱۸۲ ○ تینوں یاد کراں تے روداں
- ۱۸۳ ○ دل تے پھٹ بیڑے آئے نیں
- ۱۸۵ ○ کیوں غیراں کولوں منگنا ایں کدی میرے کول وی آ
- ۱۸۶ ○ میں چنی رنگائی پیار دی
- ۱۸۷ ○ لاگ اڈارن آئی ساں میں آپے ائی اڈ چلی
- ۱۸۸ ○ چکھر ہی پھڑ کے بٹ بٹ بٹ بٹ کنی آں
- ۱۹۰ ○ بولے مرا سواں

○ --- ○ --- ○



پنجابی گیتاں دا جمیل ملک

ایس بحث توں اگے ودھدے ہوياں جے شاعری نے مذہب دی بنیادی ضرورت توں جنم لیا یا انسانی جذبیاں دی گکھ چوں ----- فیر ایسہ سوال وی اے جے ایس دی جنم بھومی موسیقی تے نہیں -----؟ تنوں نظریات دا ویروہ کردیاں ہوياں کسی طویل بحث اچ پین دی بجائے صرف ایہاں کہہ دیناں کافی ہووے گا کہ تنوں آپنی آپنی تھیں شاعری دے سرچشمے وی نہیں تے شاعری دے ضرورت مند وی۔ قدیم انسان نے ان ویکھیاں قوتاں دے سامنے Total submission لئی جیڑے سہارے لہجے اوہناں وچ شاعری وی اک Component of Surrender ہی سی۔ جیڑیاں اوس دیاں جذبیاں تے عقیدت دے اظہار لئی اک فرحت بخش طریقہ وی سی تے اوس دی نظروچ دیوتاواں نوں راضی رکھن دا اک ایشیش سمدھن وی۔ ایس طرحاں عقیدت تے جذبات دا سنگٹ اوس دے لئی ستو کہہ وی ہویا تے فکری شناسی دا سبب وی۔ یعنی قدیم انسان دے اندروں دیوتا نے جنم لیا تے فیر اندر دے جذبیاں نے اسی اوس دے سامنے Surrender کردتا۔ پر شاعری تے موسیقی دا سمبندھ اک فطری عمل اے تے میرے نزدیک موسیقی نے نیچرتوں تے شاعری نے موسیقی توں جنم لیا۔ ایلن پی مریم اپنی کتاب The Anthropology of Music وچ انسان تے فطرت دے مابین رشتیاں تے راہیاں دی گل کردیاں ہوياں بانسری دی ایجاد دا اک نظریہ سیرالیون دے سکالر جے ٹی جان دے حوالے نال پیش کیتا اے۔

"..... Music was introduced by a small boy of about ten years of age.

It is said that while he was going to his fathers farm early in the morning he heard a little bird whistling in the woods and greatly impressed by melodious voice of the bird he stopped and listened to a song....."

ایلن ایس نظریے نال اتفاق نہیں کردی۔ اوہدے خیال وچ اوہ کوئل دی آواز سی کوئی گیت نہیں سی۔ پر جدوں اوہ امریکی سفید فام تے بلیک فام لوکاں دے درمیان موسیقی تے گیت دا تجزیہ کردی اے تے کھلے اکھراں اچ فطرت توں دوری تے قربت دا فرق وی ظاہر کر دیندی اے۔ اوہ نلی تے قوی موسیقی دے اچیت محقق لومیکس دا حوالہ دیندیاں ہوياں کسندی اے۔

White Folk

The body is held tensely as the singer sits or stands stiffly erect. The head is thrown for back.

The singers expression is mask like and withdrawn normally and organized on high notes.

Negro Folk

The body of the singer moves sinuously or in relaxed easy response to the beat. He dances his song.

The singers expression changes with the mood of song line by line there is a great deal of smiling and even laughing in many performance

فطرت توں دوری تے قربت دی ایس توں بہتر مثال نہیں دتی جا سکدی۔ دریا دی روانی تے اک مٹھا مٹھا خاموش ردھم، درختاں تے ہوا دا اختلاط تے درختاں دے ول کھاندے جسم تے Course vibration، ہور فیر لہراندے ہوئے درختاں دا موسیقی آمیز اظہار مسرت، سب وانگوں لہریاں ماروی چشمیاں دی روانی، پتیاں تے ڈگدے ہوئے مینہ دیاں بونداں تے بوچھاڑ، چشمیاں دا اک ردھم نال ڈگدا ہویا پانی تے پنچھیاں، پکھرواں تے دوجے جانوراں دیاں نت نویاں بولیاں اے سب کچھ فطرت دا حصہ تے فطرت دے نزدیک رہنے والیاں دی ذات دا وکاش انگ بن جاندا اے۔ فطرت توں نزدیکی انسان دے اندر گیت تے موسیقی دی اک اجی مترائی نوں جنم دیندی اے جیڑی موسیقی نوں انیک تے گیت نوں انکشر بنا دیندی اے۔ ڈاکٹر ریاض مجید سفری گیت دے دیباچے وچ کسندے نیں.....

”..... لوک رس تے موسیقی باہجوں گیت کنال راہیں، دلال وچ خوشبو نی کھار سکدا.....“

ڈاکٹر انعام الحق جاوید اپنا وادھا کردے ان جے ”----- ایسوں تاثر یا مقبولیت دے حوالے نال پرکھن لگیاں کانڈ تے قلم توں علاوہ موسیقی دے تناسب تے آواز نوں وی مکھ رکھیا جاندا اے“ ایڈھا مطلب واضح اے جے موسیقی تے گیت دا سنگم لہجے بغیر گیت دی پرکھ ادھوری تے نامکمل رہے گی۔

گیت دے حوالے نال موسیقی توں وی پہلاں اوہ دھرتی وی بڑی ضروری اے جیدھی لکھ چوں موسیقی تے گیت جنم لیندے نیں۔ اگرچہ گیت انسان دے وجود تے جذبات تے جذبات توں بھٹدا اے پر ایلن پی مریم جیہڑی موسیقی نوں انسانیات دے حوالے نال ویکھ دی اے۔ دوجے ماہرین موسیقی ایس نوں بشریات (Anthropology) دے نال نال نسلی موسیقیات (Ethnomusicology) دا مضبوط حوالہ وہ سمجھدے نیں۔ لومکس دی رائے نوں سامنے رکھیا جائے تے ایلن پی مریم دی بشری موسیقیات دے مقابلے وچ نسلی موسیقیات انساناں دے گروہاں دا ای مضبوط حوالہ نہیں بندا بلکہ اوس دا جغرافیہ وی قابل شناخت ہو جاندا اے۔ ایہو صفت لوک گیت، فیر گیت تے فیروہدیاں ہویاں پوری شاعری دی پہچان دا سبب بن جاندی اے۔

شاعری دیاں ساریاں نشتاں چوں گیت ای اک انیک صنف اے جیدھا دھرتی تے دھرتی دے وسیلن نال ڈوہنگا تے مضبوط رشتہ اے۔ ہر علاقے دے گیت وچ ادھدی دھرتی تے لوک وکھرے نظر آؤندے نیں، ہور انسانی جذبے وی دھرتی دی نفسیات دا اک بھرواں اظہار ہوندے نیں۔ ایہو ای وجہ اے جے جیہڑے گیت نگار کسی تہذیبی منہٹے دے وسیلے ہوندے نیں اوہناں دے گیتاں دے اندر جیون مدھرتا تے کولتا زور آور نظر آؤندی اے۔ عشق دیاں منزلاں، وصل تے وچھوڑے، ہنجو تے ہاسے ہور ایہناں راہواں وچ جیہڑے جفر جالنے پیندے نیں، اوہ کول تے کال جذبے دھرتی دی عطا ہوندیاں نیں ہور ایہو گیت نوں سدا زندہ رہن والی شاعری دا روپ وی دیندے نیں۔

جیل ملک ساڈے عہد دے اک ستیہ ورت، روحِ عصر توں آگاہ، طبقاتی شعور تے سماجی آگاہی رکھن والے گیانی تے دھیانی شاعر نیں۔ شاعری دیاں ساریاں صنفیں وچ اک وڈھا ناں رکھ دے نیں۔ گیت وی اوہناں دے پندار عشق وچ آکے اعتبار حاصل کر لیندا اے۔ اوہناں دے گیتاں وچ پوری حیاتی نظر آؤندی اے۔ شاید ایس دا سبب ایہہ ہووے جے

اوہناں دی شاعری دے پچھلے سٹھ ورہیاں دی ریاضت کھلوتی نظر آؤندی اے۔ شاید ایہو ای وجہ اے جے اوہ شاعری دی کسی صنف نوں وی پیش کرن، ایناں دیاں سوچاں تے اسلوب نوں یکلا تے کئیک آہنگ وکھرا نظر آؤندا اے۔ ایناں سٹھ ورہیاں وچ اوہ کسی جگہ Static یا تھکے ہوئے نظر نہیں آؤندے..... ہر عہد نال جڑے ہوئے تے قدم نال قدم ملا کے ہر عہد دی زبان تے اسلوب وچ گل کردے تے اگے ودھدے جا پدے نیں۔

جمیل ملک نے اپنے عہد دا دکھ رگ جاں بنا کے اپنی شاعری دا حصہ بنایا اے۔ اوہناں دے گیتاں وچ اوہناں دی دھرتی، اوہناں دے لوک، لوکاں دے دکھ، دکھاں دی شدت تے ایس شدت وچ اوہناں دی فکر دا لہو دوڑدا نظر آؤندا اے۔ دھرتی اوہناں لئی ماں وی اے تے محبوب وی۔ ایسے دو نویں روپاں وچ اے بڑی سوہنی، بجلی، کول تے مدھر لہراں وچ نظر آؤندی اے۔

جمیل ملک گیت دے اک اتنے سدھی تے گیلانی لکھیک ان جہناں دیاں نظراں وچ دھرتی ماں تے باطن اچ چندر وونی صورتاں آباد نیں جیریاں ایناں توں گیت مالا بنے تے عشق دا سوتر کتن تے مجبور کردیاں نیں۔

چرنے دی گھوکر بولے
میں پیار دا سوتر کتاں
کیوں مڑ مڑ گنجل پیوے
میںوں کجھ وی سمجھ نہ آوے
میںوں خورے کیہ کجھ کہوے!
گھوکر دے وچ دل ڈولے
چرنے دی گھوکر بولے

جمیل ملک دے بارے اوہناں دے اردو گیتاں دے حوالے نال میں لکھیا سی جے:
”..... انہوں نے گیت کو زندگی جتنی موضوعی اور معنوی وسعت دی ہے۔ اس لئے ان کے گیتوں کے مجموعے میں ملن اور جدائی کی کڑی گھڑیوں کے ساتھ انسان کے ابدی دکھ بھی نظر آتے ہیں۔۔۔۔۔ گیت اندر کی کولتا، وجود کی سرشاری اور احساس کی زرباٹ سے جنم لیتا ہے اور جب تک باطن میں عشق کی آگ، محسوسات پر حسن کا جادو، طبیعت میں گداختگی اور چہرے پر یار کی بھین رقصال نہ ہو، وجود کی شاعری کب جنم لیتی ہے اور جمیل ملک جو انقلاب آفرین

فکر اور طبقاتی تنظیم کی آگئی سے سرمست عمر بھر جملہ لبقاء میں مصروف رہے، ان کے باطن میں ہمیشہ جے پال اپنی کوئل آواز اور موسیقیت کی دلنوازی کے ساتھ بستی رہی۔۔۔۔۔“

اگرچہ ایسہ تبصرہ اوہناں دے اردو گیتاں بارے وچ اے پر میری رائے وچ اوہناں دے پنجابی گیتاں دا احاطہ وی کردا اے۔ شاید ایسہ خیال ایس لئی میرے ذہن وچ آیا جے اوہناں دے گیتاں وچ عہد دی دکھی تے رات دے بنیریاں اچ ڈلی ہوئی سماجی زندگی وی اے تے دلاں دے اندر جاگن والیاں روشن یاداں دا چانن وی۔

کدی	دھپ	کدی	چھاں
کدی	دکھ	کدی	سکھ
کدی	بھڈی	نہ	پوہ
کدی	سرگی	دی	لو
جیدھے	وچ		لکھے
تیرا	پھل	جیہا	کھ

گیت دے ایس بند وچ زندہ رہن والی زندگی دی چاہت دکھ تے کرب دی اتھاہ ڈو: ^{نہلہ}
 وچ نظر آؤندی اے۔ معرض دھرتی تے سماج وی اے، تے محبوب وی۔ دونویں اک ایسے
 سخن دے روپ نیں۔ بیہوا کول وی اے تے کال وی، سوہنا وی اے تے جیلا وی پر ویلے
 دے، ^{تھکراں} وچ ڈب کے بے یقینی تے عدم تحفظ دے احساس وچ ہچکولے کھا رہیا اے۔
 اتھے شاعر دا احساس محرومی اوس دے اپنے اندر دے ٹٹ بھج دا ویر دا نہیں، بلکہ اک آفاقی
 دکھ دی شکل وچ ظاہر ہوندا اے۔ جمیل ملک دا کمال فن ایسہ اے جے اوہ ذات نوں کائنات
 تے کائنات نوں ذات بنا کے پیش کرن دے انداز تے عجب قدرت رکھ دے نیں۔ اے
 ذات دی تلاش وی اے تے کائنات دی جستجو وی۔ پر اتھے وی اوہ اکلاپے دی بس، یاسیت
 دے قہر یا مایوسی دے لبو دی ساڑ دا شکار نہیں ہوندے۔ اصلاً "خواہش زور مارے تے
 محبوب اکھیوں اوہلے ہووے تے دکھ جاگ پیندے نیں۔ چنانچہ دھپ تے چھاں، دکھ تے سکھ
 اک قدر بن جاندی اے پر ایسہ منزل ہر اک دا نصیب نہیں۔ چاہت

Multi-Divisional Diver .. ریاضت دیال Unconditional Submission

sities دی ضرورت ہوندی اے تے جمیل ملک پریت دے چے میت دے گیت دے چے
 کلاکار نیں جنہاں دے کول جذبے دا انگ وی اے تے تجربے دا سنگ وی۔ ایہو ای وجہ

اے جے شہری ربتل دے باوجود اوہناں دی شاعری وچ دھرتی تے دھرتی دی پریت بولدی
 نظر آؤندی اے۔ ایسہ گل میں ایس لئی کمی اے جے اوہاں دی زندگی اک مخصوص نظریے
 تے شاعری اے نظریے دا پرتو ہونے دے سبب شہری ربتل، شہری اصطلاحات تے شہری
 زبان اوہناں دی شاعری دی پچھان کراندے نیں۔ شہری زندگی وچ جے زویر ہووے وی تے
 اوہ فٹاں، گزراں، مرلیاں تے کنال دی قید وچ ہوندی اے۔ جد جے دھرتی نال پیار کرن لئی
 پورے جغرافیے دی نوٹ پیندی اے جیدھے وچ فٹ، گز، مرلے تے کنال قطرے دی طراں
 نظر آؤندے نیں تے جمیل ملک دا اے وسیع وژن اے جیدھی دھرتی اک وڈھے جغرافیے
 تے پھیلی ہوئی اے۔ فیروزی اینناں ساریاں خفتاں دے باوجود ایس توں انکار وی ممکن نہیں
 جے اوہناں دے گیتاں تے جس طراں اوہناں دی فکری Totality حاوی نظر آؤندی اے۔
 ایسے طراں اوہناں دی شاعری دیاں دو جیاں سنہاں خاص طور تے غزل تے نظم تے اثرات
 دی نظر آؤندے نیں پر اوہناں دے گیتاں دی وکھری شناخت متاثر نہیں ہوندی۔

اک جندڑی تے لکھ جھیلے
 پوہ پھٹے تے چڑیاں بولن
 کنال وچ امرت رس گھولن
 فیکٹریاں دے گھننے شوکن
 آن جگاں سرگی ویلے
 اک جندڑی تے لکھ جھیلے

شام پوے تے ٹٹیا ہویا
 گھار آواں میں لٹیا ہویا
 مہنگائی بھ کجھ کھا جاوے
 بچے بھ سدھراں دے بیلے
 اک جندڑی تے لکھ جھیلے



مڑ کبیاں دھپاں چڑھیاں
 پکیاں فصلاں وی سڑیاں
 دھپاں وچ زہر سی کوئی

یا رب دا قہر سی کوئی
دس کدروں آیا کال
توں ایس دھرتی دا لال

اج دھرتی دیوے دہائی
میری لٹ پٹ گئی کماٹی
دھ' ماں نوں سینے لا لے
لہو دے کے اینوں بچا لے
توں ایس ایدھا لُج پال
توں ایس دھرتی دا لال

گیت دے بارے کیا جاندا اے جے گیت دی روایت اجتماعیت دی روایت اے۔ پر
میرے خیال اج ایہہ اجتماعیت اک سطح تے علاقائیت دی خوشبو، سندر تاتے مدھرتا وچ رہی
ہوندی اے۔ تے فیر کہن والے دی ہنرکاری، مہارت دے جذبے دی سچائی ہولے ہولے
اس گیت نوں علاقائی جغرافیے چوں اپر پکدی ہوئی آفاقیت عطا کر دیندی اے۔ یعنی گیت
دی پہلی سطح اوہدے اپنے گھار دی شناخت نال سامنے آوندی اے۔

اک رانجھا دل دے جھنگ دا
مینوں اپنے رنگ وچ رنگ دا

بھانویں گیت دے بارے وچ ایہہ وی کیا جاندا اے جے اک انفرادی تے ذاتی اظہار
اے پر ایہہ ذات تے انفرادیت وی دھرتی ماتا دی لگھ چوں جنم لیندی اے۔ جے لوک
ریت وچ ذات تے انفرادیت وی سانجھی ہوندی اے۔ اودیاں علامتاں، استعارے، تلمیحات
تے سوچ دے زاویے لوک ریت دا حصہ ای ہوندے نیں۔ تاں ای تے دھرتی تے وسدا
رسدا جھنگ دل دے جہان دا اک شہر بن کے اک نویں رانجھے نوں جنم دیندا اے۔

میری ونبھلی کیوں کر لاوے
میں ہیر سیال نوں لبھاں
تھک ٹٹ گئیاں نیں پیاں
مینوں مار مکایا سبھاں
مینوں کجھ وی سمجھ نہ آوے

میری و بھلی کیوں کر لاوے

○

وچ پیار دے روگ ہزاراں
 بھ ہیر دے جھگڑے بھیرے
 اسی رانجھن پیار دے جھانجھی
 راہواں وچ کیدو کھیرے
 اسل لے جانی اس ڈولی
 ساڈے پیار دی مٹھری بولی

جیل ملک دے گیتاں وچ ہجرتے وچھوڑے، ہنجوتے ہاواں، دکھاں دی ساڑ، ویاکل
 روح تے نراش جذبے اک قدر دے طور تے آئے نیں۔ شاید ایس دے پچھے ایہہ فلسفہ
 اوہناں دے سامنے ہووے جے ہجرو دھے تے زندگی بن جاندا اے۔ جے وصل ہووے تے
 موت تقدیر بن جاندی اے۔ موت صرف وجود دی نہیں ہوندی۔ وصل دا زہر جد 'ہنجو'
 ڈھونڈتے حاصل کرن دے آدرش دیاں رگلاں وچ دوڑن لگدا اے تے بھ کجھ مک جاندا
 اے۔ ایسے لئی جیہڑی توقیر ہجرتوں اے اوہ وصل نوں نہیں۔ جیل ملک دے گیتاں دا
 مرکزی خیال ہجرتے ہنجواں دی نئی نئی آگ وچوں امر ہو کے اکھراں دا روپ بھر دا اے۔ شاید
 ایسے لئی اوہناں دے گیتاں وچ اک مٹھا مٹھا درد قاری دے دل وچ لندا اوس نوں اپنا اسیر
 کر لیندا اے۔

کیوں اکھیاں بھر بھر آیاں
 مینوں کجھ وی کسن نہ دیوے
 میں گل کراں اوہ رووے
 ہنجواں وچ اپنے دل دے
 اوہ کیہ کیہ پھٹ پرووے
 بولے تے بول نہ سکے
 نہ ایڈا درد وی ہووے
 کیوں لگدی وانگ سودائیاں
 کیوں اکھیاں بھر بھر آیاں

○

کے نہیں میرا ہتھ نہیں پھڑپھا
 پلے بنجے بنجے ہنچو ہاواں
 ڈبدا رہیا میں وچ دریاواں
 کے نے میری سار نہ لتی
 ساہ لیندا واں ڈریا ڈریا
 کے نہیں میرا ہتھ نہ پھڑپھا



اے چندرا دل نہیں مندا
 میں منتاں ترلے پاواں
 میں لکھ اینوں سمجھاواں
 اے اوہدے تے ای ڈلھیا
 جیرا سونے دے وچ تلیا
 کیہ میل چکور تے چن دا
 ایہ چندرا دل نہیں مندا

گیت دا اے پہلا بند بظاہر تے اوس دے محبوب دی داستان کہہ رہیا اے پر محبوب
 معنوی اعتبار نال ودھدے ودھدے پورے سماج دا استعارہ بن جاندا اے تے سماج دی مادہ
 پرستی بے زراں دی بے توقیری تے محرومی دا سبب بن جاندی اے۔ ایس طراں جمیل ملک
 دی ذات پورے سماج دی فیر کائنات دی ذات بن جاندی اے جتھے دکھ سانجھے تے سکھاں دی
 طلب وی سانجھی ہوندی اے۔ یعنی جمیل ملک اکلاپے دا زہر پین دی بجائے ساریاں نال مل
 کے جیون دی ویشیش بھاوناں اونہاں دی فکر دی Totality وی اے۔ تے اوہناں دے
 نظریات دا وکاش انگ تے رنگ وی اے۔ اصلاً "جمیل ملک دی پوری حیاتی طبقاتی منافرت
 تے سماجی آزادی دی جہد وچ گزری اے۔ چنانچہ اوہ اپنی گل کردیاں ہویاں وی سماج دیاں
 محرومیاں تے مہجوریاں نوں نظر انداز نہیں کردے، کراہی نہیں سکدے، جے ایہہ اینہاں
 دے مسلک تے نظریے دی نفی ہووے گی جیہڑی شاید اینہاں لئی قابل قبول نہ ہووے۔
 شاید ایسے لئی جمیل ملک دیاں گیتاں نوں ذات توں کائنات تک پھیلی ہوئی دنیا تے محیط کیتا
 جا سکدا اے۔ فیر اوہناں نے اپنے آپ نوں کے اک خیال تک محدود وی نہیں کیتا۔ میں
 اوہناں دے اردو گیتاں دے بارے لکھیا سی جے جمیل ملک نے اپنے آپ نوں کسی اک

موضوع تک محدود کرن دی بجائے کائنات دی جزئیات تے ذات دی کائنات تک پھیلا یا ہوا اے۔ جس وچ شعور دے چشے دی تابانی وی اے تے دل دریا وی ڈب کے ابھرن دی دل آویز جاودانی وی۔ دوسری اصناف سخن دی نسبت جمیل ملک نے گیتاں وچ پیش کش دے انداز، لفظیات دی تزئین تے مضمون دی روشنائی ول خاص توجہ دتی اے۔ ایسے سبب اوہ اک شاندار، نوکیلے تے Illustrious اسلوب دے حامل نیں جیہڑا ہر اک دا نصیب نہیں ہوندا۔

تاویں کدرے کدرے گیتاں وچ تے گیتاں دے مصرعیاں وچ ایسہ احساس ہوندا اے جیویں اینناں دے گیتاں وچ جذباتی زندگی دا ولولہ بڑی ہلکی سراں وچ سنائی دیندا اے۔ سوچ تے مصرعیاں دی کمپوزیشن وچ اک ٹھہراؤ نظر آوندا، روانی دی سرمستی تنہی تے تیزی نظر نہیں آوندی تے کئی تھاواں تے لکنت دا احساس وی ہوندا اے۔ ممکن اے جے ایسہ میرا اپنا احساس ای ہووے۔ شاید جمیل ملک دی شہری رہتل دے سبب پنجابی زبان دی اس ارضی فضا توں دوری ایس دا سبب ہووے یا فیر اینناں دی طاقتور نظم تے غزل دی کمپوزیشن کدرے کدرے گیتاں وچ زور آور ثابت ہوندی ہووے۔ تاہم میرا ایسہ احساس اوہناں دے گیتاں دی کلیت نوں مجروح کردا تے نہ ہی اوس مقام توں تھلے آوندا اے جیہڑا جمیل ملک نوں حاصل اے۔ جمیل ملک ساڈے عہد دے اک صاحب ہنر شاعر، سنجیدگی ہووے متانت دی گہرا انگیز آگئی توں ماہہ الامیاز متصف نظم گو، نرم رو، کومل تے سجاو، سبھاؤ دے گیت نگار اپنے عہد وچ اک جداگانہ تے انیک رنگاں دے سدھی شاعر نیں۔ ناصر شنوار نے اوہناں دے بارے وچ خوب کیا سی۔

”جمیل ملک کے ہاں اردو گیت کے عجب انداز ہیں اور عجب اعجاز..... جمیل ملک

کا شعری کثت بڑا تازہ بڑا تیج تقاضا ہے.....“

اور میں ایس وچ صرف ایٹاں وادھا کراں گا جے جمیل ملک دے گیت اوہناں دی زندگی تجربے تے آدرشاں دا ایجاز وی نیں تے اعجاز وی۔ اینناں وچ اوہناں دی پہچان کران والا اسلوب وی اے تے اک انفرادیت وی اے جیہڑی اوہناں کولوں کھلواندی اے۔

اک رانجھا دل دے جھنگ دا
میںوں اپنے رنگ وچ رنگ دا ڈاکٹر اعجاز راہی

حمدیہ

ایسہ ساری کھیڈ او سے دی
 جھڑا جگ دا پالن ہار
 نمی نمی ہوا دے جھوٹے
 ایسہ پھل، تریل، ایسہ بوٹے
 اینناں چوں بھٹدی خشبو
 ایسہ فجری ویلے دی لو
 ایس لو وچ اوہدا پیار
 ایسہ ساری کھیڈ او سے دی
 جھڑا جگ دا پالن ہار



اٹھ اٹھ کے سرگی ویلے
 کیہ لبھیں جنگل، بیلے!
 ایسہ پیار بڑا انمول اے
 ایسہ مشک تے تیرے کول اے
 اندر ول جھاتی مار
 ایسہ ساری کھیڈ او سے دی
 جھڑا جگ دا پالن ہار



کھلے وی ہون سیانے
 کھل جاوَن بھیت انجانے
 جد دل دا تونبا وجے
 اوہ ننگیاں نوں وی کجے
 اوہ رب اوہ سب دا یار
 ایسہ ساری کھیڈ اوسے دی
 جہڑا جگ دا پالن ہار



نعتیہ

مینوں خالی ہتھ نہ ٹور
 میں چڑھیا تیرے بُوے
 ہر پاسے کھڑ کھڑ پیندے
 پھل پیلے، ساوے، سُوے
 مرے ساہ ساہ دے وچ تُو اے
 مینوں اپنے رنگ وچ رنگ دے
 مینوں لوڑ ننیں کجھ ہور
 مینوں خالی ہتھ نہ ٹور



میں جنم جنم دا پیاسا
 اگے اکھیاں ترہائیاں
 پچھے مَجگ مَجگ دا ہاسا
 اج بھر دے میرا کاسا
 ترے گھر وچ تھوڑ نہ سائیں
 بے زور نوں دے دے زور
 مینوں خالی ہتھ نہ ٹور



ایسہ	میرا	دل	ایسہ	بھولا
دنیا	کولوں	کیہ	منگے!	
ایسے	رولا	ای	رولا	
مرا	پھٹیا	ہویا	چولا	
میرے	دل	مار	کے	جھاتی
مینوں	کر	دے	نواں	نکور
مینوں	خالی	ہتھ	نہ	نور





وَنجھلی دا دل دریا
 ایدھی لہر لہر وچ گیت ایدھا وکھرا سُر سنگیت
 بھاویں دکھ ہووے یا سکھ ایسہ ساڈے من دی میت
 ایدھے ساہ وچ سب دا ساہ

وَنجھلی دا دل دریا
 ایدھا رانجھا ہیر دا راکھا ایدھا ہر سُر بڑا سجاکھا
 ایسہ کلیاں کدی نہ چھڈدی ایسہ کدی نہ موڑے آکھا
 اینوں ساڈی اپنی چاہ

وَنجھلی دا دل دریا
 اج ویلا اے کجھ ہور فصلاں نوں پے گئے چور
 اج پتھر دل دا چن وَنجھلی پئی کہوے چکورا
 آ میرے ویڑے آ

وَنجھلی دا دل دریا





سستی تھلاں وچ . کوکدی
 مرا پُتوں ڈھونڈ لیاؤ
 مرا ہار سنگھار وی اوہ وے
 مرے دل دا یار وی اوہ وے
 مرا سچا پیار وی اوہ وے
 میں جیوندیاں جی مر گئی آں
 مینوں ایناں نہ ترڈاؤ
 سستی تھلاں وچ کوکدی
 مرا پُتوں ڈھونڈ لیاؤ



اج لٹ گئی پیار کمانی
 ہر پاسے زردی چھائی
 میں ازلاں دی ترہائی
 اوہدی دید ای میری عید اے
 تن من دی پیاس بجھاؤ
 سستی تھلاں وچ کوکدی
 مرا پُتوں ڈھونڈ لیاؤ



ہن تن من سُجا کھیت اے
 مرے اگے پچھے ریت اے
 جیون دا ایہہ کیہ بھیت اے!
 کیوں موت اے ہتھ پھڑائی!
 ایہہ گل ذرا سمجھاؤ!
 سستی تھلاں وچ کوکدی
 مرا پُنوں دھونڈ لیاؤ





میں یار دے ویڑے نچدی
 میں یار مناوَن آئی
 مری ہون دیو رسوائی
 نچ نچ کے ٹٹ پھٹ جاواں
 میں رُٹھیا یار مناواں
 جند چوڑی کورے کچ دی
 میں یار دے ویڑے نچدی



ناں لے کے اوہدا جیواں
 میں سدا سہاگن تھیواں
 میں سدھراں ونڈدی رہواں
 نچ نچ کے کیہ کجھ کہواں
 اگ پیار دی دل وچ پمڈی
 میں یار دے ویڑے نچدی



مری اکھیاں وچ لو اُس دی
 مرے من وچ خشتبو اُس دی
 میں نچ نچ رنگ کھلاراں
 مڑ آون پیار بہاراں
 کھچ اینی مچے سچ دی
 میں یار دے ویڑے نچدی





کیوں دُلہ دُلہ پیندے ہاسے!
 اج سدھر سدھر نجدی
 انگ انگ وچ اگ پئی رچدی
 ایسہ ہاسے مُک نہ جاوَن
 توں کچی چوڑی کچ دی
 کیدھے ملنے دی آس اے!
 کیوں دُلہ دُلہ پیندے ہاسے!



ایناں ہاسیاں دی جھولی وچ
 ایناں سدھراں دی ڈولی وچ
 کوئی چور نہ پُچھیا ہووے
 ترے پیار دی اس بولی وچ
 کیرھی جلدی بلدی پیاس اے!
 کیوں دُلہ دُلہ پیندے ہاسے!



ترے شہر دے وچ تے قہر اے
 اتھے زہری دودھ دی نہر اے
 توں پیار دی چانی منگیں
 ترے سر تے شکر دوپہر اے
 ترے ویری آسے پاسے
 کیوں ڈکھ ڈکھ پیندے ہاں!





کدے نہ ممکن ساڈیاں چاہواں
 بھین بھرا ساڈے جگ جگ جیون
 سدا مراداں والے تھیون
 ہن کھیڈن بال ایانے
 خوشیاں ونڈن نال سیانے
 مک جاون سب ہوکے، ہاواں
 کدی نہ ممکن ساڈیاں چاہواں



ہن وسن پیارے لوکی
 اک ہو جاون سارے لوکی
 گاون چیت، بہار تے ساون
 باغ بلیچے کھڑ کھڑ جاون
 کھلداں جاون نویاں راہواں
 کدے نہ ممکن ساڈیاں چاہواں



نہیں کوئی چیز محبت ورگی
 دھرتی ہووے جنت ورگی
 اینا اپنا شوق ودھائیے
 اسماناں نوں جا ہتھ پائیے
 اچیاں ہو ہو جاوَن باہواں
 کدے نہ ممکن ساڈیاں چاہواں





ایہہ کھیڈ کھڈونے اگ دے نیں
 اتھے بالاں دے لئی ہٹیاں تے
 ہن کجھ وی ہور تے وکدا نہیں
 ما پیو نوں اج ایہناں توں وکھ
 کجھ ہور اپنے ول کچھدا نہیں
 شور اچیاں اچیاں بولیاں دا
 ونجارے کاہنوں ٹھگ دے نیں
 ایہہ کھیڈ کھڈونے اگ دے نیں



ایہہ اگ پٹانے ای گھٹ سن
 ہن نویں کھڈونے آ گئے نیں
 اج ایٹم تے میزائل وی
 کنال راہواں سانوں پا گئے نیں
 ہن لہر لہر انج پجدی اے
 سب لوکی جیویں جھگ دے نیں
 ایہہ کھیڈ کھڈونے اگ دے نیں



اج جھن بن کے آئے نہیں
 جھڑے کرن تجارتاں جنگ دیاں
 کسے دے پلے کیہ پیوے
 اتھے بولیاں رنگو رنگ دیاں
 اوہناں ایسہ کھیڈ رچائی اے
 جھڑے ویری ساڈی پگ دے نہیں
 ایسہ کھیڈ کھڈونے اگ دے نہیں





اچیاں ذاتاں والے
 اپنیاں صفتاں تے تعریفاں
 کر کر کے ننیں تھکدے
 جیویں ایسہ نیں سب توں اچے
 بیٹھاں کدے نہ تھکدے
 بھ نون رکھدے پیراں تلے
 مٹھکے چمک دک دے
 چاکر آل دوالے
 اچیاں ذاتاں والے



گھلیاں کوٹھیاں دے مالک
 وڈھیاں وڈھیاں جاگیراں
 اینناں نون موہڈے تے چکیا
 جھوٹھیاں پیر فقیراں
 اینناں دے ہتھوں کس کس دی
 چادر لیراں لیراں!
 کئے دل دے کالے!
 اچیاں ذاتاں والے



اک دن ساری مک جاوے گی
 اینناں دی سرداری
 پھڑ کدال درانتی جے کر
 نکلی خلقت ساری
 اوڑک بدلے چک جاوے گے
 سارے وارو واری
 شیر نیں دیکھے بھالے
 اچیاں ذاتاں والے





کوئی وس نہیں چلدا
 عمراں لنگیاں کھیتاں اندر
 اڑ گئے سال مہینے
 شکر دوپہراں دے وچ چوندے
 ساڈے خون پسینے
 بھر کے پیٹ نہ روٹی کھاہدی
 پھٹ کے رہ گئے سینے
 اپنے تن دا کھیس بنایا
 سب نے ساڈی کھل دا
 کوئی وس نہیں چلدا



صدیاں توں پئی راج کرے کیوں
 انہی زورا زوری!
 سامنے لٹ کے لے جانڈے نیں
 کوئی نہ پکڑے چوری
 مٹھکھے سوں جانے آں سُن کے
 دھرتی ماں دی لوری
 اوہدے ای دونویں ہتھ خالی
 جھڑا مالک ہل دا
 کوئی وس نہیں چلدا



ربا کد عرشاں توں لہہ کے
 توں انصاف کریں گا!
 ویری تے ایسہ سمجھن توں وی
 ساڈے نال مریں گا
 مک جاوے گی خلقت تے توں
 بیٹھاں پیر دھریں گا!
 خوشخبری دا پیار سنرہ
 سانوں کیوں نہیں گھلدا!
 کوئی دس نہیں چلدا





چھوٹی جی عمر وی لنگدی نہیں
 اُنج تے لنگ جانیاں صدیاں نہیں
 پر جنہاں نوں چھوٹیاں عمراں وچ
 ایسہ لے وچھوڑے پے جاوَن
 اوہناں دیاں عمراں ادیاں نہیں
 ایسے لئی ویری شوکدے نہیں
 کوئی گل ادیاں دی ڈھنگ دی نہیں
 چھوٹی جی عمر وی لنگدی نہیں



جد چکی اک تھاں رُک جاندی
 چھوٹی جی ایس حیاتی دی
 جہڑی اکو واری لبھدی اے
 فیر ساری گل ای مک جاندی
 سانوں کل مکلا چھڈ کے کیوں!
 گل، چھل دے رنگ وچ رنگ دی نہیں!
 چھوٹی جی عمر وی لنگدی نہیں



چھوٹی جی عمر نوں کہنے آں
 ویلے دے تال وی ٹرنا سکھ
 ایہہ ساڈی گل کجھ سندی نتیں
 چپ چاپ ای دھندے رہنے آں
 ایہہ ساتھوں وکھری لگدی اے
 کیوں ایہہ وی ساڈے سنگ دی نتیں!
 چھوٹی جی عمر وی لگدی نتیں





اسی کنڈ دے کے نتیں ندے
اپنے یاراں دے یار آل
سب لوکل دے دلدار آل
خورے کیوں چودھری راجے
سانوں پیاریاں کولوں کھدے!
اسی کنڈ دے کے نتیں ندے



اسی بھاویں کالے کملے
سمجھو نہ سانوں سمیلے
اسی ول فریب دے بھیتی
تھاڑے جالاں وچ نتیں پھدے
اسی کنڈ دے کے نتیں ندے



تھاڑے لئی بھانویں گکھ دے
ہر زہر دی کلٹ وی رکھ دے
اسی مر مر کے جی پیندے
تسی پل پل سانوں ڈسدے
اسی کنڈ دے کے نتیں ندے





توں میرا پیار بھلائیں نہ
 توں جُگ جُگ جیویں شاد رہویں
 تو جتھے رہویں آباد رہویں
 میں وی اک تیری باندی ساں
 ایسہ سوچ کے توں شرمائیں نہ
 توں میرا پیار بھلائیں نہ



توں میرے باج نہ رہنا سیں
 تینوں یاد اے کیہ کیہ کہنا سیں!
 گلاں سب چھلاں بن گئیاں
 چھلاں دے وچ رُڑھ جائیں نہ
 توں میرا پیار بھلائیں نہ



میں تینوں کد بھل سکنی آں!
 میں تیری رہ پئی سکنی آں
 دل دے دیوے وچ لو تیری
 اینوں مار کے پھوک بجھائیں نہ
 توں میرا پیار بھلائیں نہ





توں میرا کیسہ لگدا ---!
 تینوں میں پچھاندی وی نہیں
 کون اس توں، جاندی وی نہیں
 اوس جئی جندڑی میری
 توں اک لبو اک دا
 توں میرا کیسہ لگدا ---!



میرے نال اکھ نہ لڑا
 جتھوں آیا اس اوتھے ای رُ جا
 کرنال اس کیویں دیرواں
 توں میرے پگ پگ دا!
 توں میرا کیسہ لگدا ---!



ہس ہس گل کرے
 سو سو 'دل کرے
 اکھاں دی بھارتاں دے نال
 کیویں پیا مینوں ٹھگ دا!
 توں میرا کیہ لگدا ---!



مینوں لٹ پٹ جاویں گا
 نہیریاں سٹ جاویں گا
 جھوٹھا 'پر دیا تیرا
 سفنہ اے جگمگ دا
 توں میرا کیہ لگدا ---!





اج لٹ لے پیار دا میلہ
 سکھیاں نیں مہندی لائی
 بھیناں نیں مانگ سجائی
 توں دھرتی ماں دی شوہا
 توں دوہٹی بن کے آئی
 جھڑے پاسوں وی تیکے
 ترا مکھڑا نواں نویلا
 اج لٹ لے پیار دا میلہ



ترے خواباں دا شہزادہ
 گھر آیا گھر دا راجہ
 سبھ دنیا نوں پیا آکھے
 ترے دل دھڑکن دا واجہ
 اک ہیر دا جوگی بن کے
 آیا رانجھن البیلا
 اج لٹ لے پیار دا میلہ



توں کھیتاں دی شہزادی
 توں گھر گھر دی آبادی
 توں ہر ویڑے دا بوٹا
 تری ہر گل بڑی سوادے
 بچاں دی خشبو بن کے
 پیا چمکے بیلا بیلا
 اج لٹ لے پیار دا میلہ



سونے وچ تُل نہ جاویں
 میلے وچ رُل نہ جاویں
 غیراں دے آکھ لگ کے
 بچاں نوں بھُل نہ جاویں
 چل ویلے دی بانہ پھڑ کے
 ننیں مڑ کے آؤنا ویلا
 اج لٹ لے پیار دا میلہ





سدھراں دے پنڈے نہیں مکدے
 ایہہ سدھراں سوہنے یار دیاں ایہہ سدھراں پیار بہار دیاں
 کدی پھل کیرن کدی مار دیاں
 کدے ہاسے کھڑ کھڑ پنڈے نیں کدی چھم چھم اتھرو نہیں رکدے
 سدھراں دے پنڈے نہیں مکدے
 ایہہ سدھراں ساڈیاں سکھیاں نیں ایہہ سدھراں دل دیاں اکھیاں نیں
 سوہنے لئی سانہ کے رکھیاں نیں
 جند جان وی اوس توں وار دیئے پر دلاں دے سودے نہیں چکدے
 سدھراں دے پنڈے نہیں مکدے
 سدھراں نیں مان حیاتی دا ایہو تے زور نیں چھاتی دا
 ایہہ چانن کالی راتی دا
 ساڈے پیار دا روپ اے جن ورگا ایدھے لشکارے نہیں مکدے
 سدھراں دے پنڈے نہیں مکدے
 سدھراں وی کنیاں جھلیاں نیں ایہناں ساریاں راہواں ملیاں نیں
 ایہہ ساڈے لہو وچ پلیاں نیں
 ایہناں چاہواں دیاں راہواں تے اسی چلے تے اسی نہیں رکدے
 سدھراں دے پنڈے نہیں مکدے





میں نواں نکور لکھاری
 مرے سامنے نویاں راہواں میں جدوں کھلاراں باہواں
 چھم چھم چھم برکھا آوے تے میرا دل پرچاوے
 مرے نال اے اوہدی یاری
 میں نواں نکور لکھاری
 میں سب دے دل وچ وسدا تے سب دے دل دی وسدا
 چن سورج دا سرنواں میں دھپ دے وچ پرچھاواں
 مرے نال اے خلقت ساری
 میں نواں نکور لکھاری
 مرے دل وچ کھوٹ نہ کوئی میں چھوئی گل اُن چھوئی
 مرے دل وچ سوہنیاں ریکھاں ہر دل وچ پیار نوں بیجاں
 خشبو دی کھلی پٹاری
 میں نواں نکور لکھاری
 مرے اکھر نیں ست رنگے من موہنے چنگے چنگے
 میں جھڑے بول دی بولاں سدھراں دے رنگ وچ گھولاں
 میں فن دا عجب للاری
 میں نواں نکور لکھاری





مری پائل دے وچ گیت
 مینوں سن دے مینوں بھجن دے مینوں اج نچ نچ کے رجھن دے
 مرے من وچ گھنگھرو وچن دے ایہہ گیت نیں میرے بجن دے
 مرے انگ انگ دے وچ پریت
 مری پائل دے وچ گیت



ہر گھار دے وچ من ہاریاں نوں کہہ دیو وچھوڑے ماریاں نوں
 نالے پیار دے ویری ساریاں نوں بھڑی لے جاندی اے پیاریاں نوں
 اج توڑنی اے اوہ ریت
 مری پائل دے وچ گیت



دل والیاں تے بھڑے سن گے اپنے ای جال اج بھسن گے
 من 'موجی رن سن گے نچ نچ کے سب نوں دن گے
 اج من من دے وچ میت
 مری پائل دے وچ گیت





مرے دل وچ تیری لو
 اک چن اسمان تے لٹکے اک میرے دل وچ دے
 اس دنیا چانن کیتی ایسہ دل دیاں رمزاں دے
 ایسہ دونویں ای اک مک نیں
 پر لگدے نیں ایسہ دو
 مرے دل وچ تیری لو
 ایسہ میرے اندر باہر دو چن میں لے کے ٹریا
 ایسہ مڑ گئے اوسے پاسے میں جھڑے پاسے مڑیا
 ایہناں وچ مینوں لبھدی
 ہر ویلے دی کنسو
 مرے دل وچ تیری لو

چانن دی پھلواڑی وچ سبھ تیریاں یاداں ممکن
 سبھ دیاں دے پنچھی ایس پھلواڑی وچ پھمکن
 مینوں آندی رہندی چن دی
 ہر موسم وچ خشبو
 مرے دل وچ تیری لو
 مری رات وی اے دن ورگی اینہیں ایناں چانن کیتا
 میں چانن چانن ہویا میں رج کے چانن پیتا
 ہن میرے لئی ہر ویلے
 نہیرے وچ بھٹدی پو
 مرے دل وچ تیری لو





ساڈے پیار دی مٹھری بولی
 اسی پیار دلار دے سانجھی ساڈے پیار دے بول سُرِیلے
 سدھراں، جیویں، مٹیاراں اسی گھبرو، چھیل چھیلے
 رنمی رنمی ہوا ہجھولی
 ساڈے پیار دی مٹھری بولی



اوجھنے سانوں یاد کیہ رکھنا جہڑا سونے اتے ڈلیا
 اودھے کجھ ہتھ نہ آیا جہڑا دھرتی ماں نوں بھلیا
 اوس اپنی جندڑی رولی
 ساڈے پیار دی مٹھری بولی



وچ پیار دے روگ ہزاراں سب ہیر دے جھگڑے جھیرے
 اسی رانجھن یار دے جانجھی راہواں وچ کیدو، کھیڑے
 اساں لے جانی اس ڈولی
 ساڈے پیار دی مٹھری بولی



○

میں کاہنوں لایاں اکھیاں!
 اوہنے مری سار نہ رلتی
 عمراں دی جدائی دتی
 مینوں کلیاں مار مکایا
 میرا لوں لوں ترہایا
 کیوں یاداں سانجھ کے رکھیاں!
 میں کاہنوں لایاں اکھیاں!

○

مری جندڑی جوگن ورگی
 ناں رات نہ میری سرگی
 بن ٹھن کے سُرمے پا کے
 کئے ائی روپ وٹا کے
 مرا تن من ساڑن سکھیاں
 میں کاہنوں لایاں اکھیاں!



کون آئے، مینوں دیکھے!
 کیسہ ایہو پیار دا لیکھ اے!
 اوہ راتیں اوہ برساتیں
 اوہ، مٹھیاں گلاں باتیں
 کیوں ایسہ سوغاتیں پنکھیاں!
 میں کاہنوں لایاں اکھیاں!





مینوں رانجھے جیا نہ ہور کوئی
 میں اوس دے ڈھولے گانی آں
 رانجھا جتھے بانہ پھر لیندا
 میں اوسے تھاں مر جانی آں
 اوہو چت چور اے دھڑکن وچ
 ننیں اودوں ودھ کے چور کوئی
 مینوں رانجھے جیا نہ ہور کوئی



اوہ میری مرضی کردا اے
 لکھ ہیراں اُس تے مردیاں ننیں
 پر اوہ میرے تے مردا اے
 سب جگ تے زور ازمانی آں
 دل تے ننیں چلدا زور کوئی
 مینوں رانجھے جیا نہ ہور کوئی



درداں دی ماری جندڑی
 میں ساری عمریں لڑیا
 آفتاں مینوں ڈرایا
 میں ہریا نال میں ڈریا
 اج چھڈ گئی یاری جندڑی
 درداں دی ماری جندڑی



ہن کول نہ بلی کوئی
 کڈھے بے دردی جنہاں
 جند سوئیاں نال پروئی!
 کنناں روہڑی ساری جندڑی!
 درداں دی ماری جندڑی



سپاں نیں . لوں لوں ڈنگیا
 اج سبھے ویریاں مل کے
 مینوں سولی اتے ٹنگیا
 جتی یا ہاری جندڑی!
 درداں دی ماری جندڑی





اوہو تے مری حیاتی اے
 کھس کے لے آیا کھیریاں توں
 اوہدی رکنی چوڑی چھاتی اے
 مرے ساہواں وچ اوہدی خوشبو
 مرے دل وچ پنجا مور کوئی
 مینوں رانجھے جیا نہ ہور کوئی





اسی عمریں دے ترہائے
 اک کربل باہر بلدی اک کربل ساڈے اندر
 ساہ اسراں آون جاون جیوں چلے لہو وچ جنر
 اج کوئی نہ نیڑے رسدا
 ناں تہن ناں ماں جائے
 اسی عمریں دے ترہائے

چن ماہی کول نہ اپنے تے رب وی دور ای وے
 سب جان دے ویری ہوئے کوئی خیر خبر نہ دے
 کوئی تے اپنا بن کے
 صدیاں دی پیاس بجھائے
 اسی عمریں دے ترہائے

سب پتا ایسے گل دی اسان سچی گل کیوں کہیتی!
 کیوں جھوٹھ نوں سچ نہ منیا! کیوں اپنی جیسہ نہ سیتی!
 پتراں نوں جھولی پا لے
 رکھتے ویں ساڈیے ماے!
 اسی عمریں دے ترہائے





اسی روشنیاں دے نال
ایسہ چن سورج تے تارے سب ساڈے اپنے پیارے
اسی اک منزل دے راہی ساتھوں نے دور سیاہی
ساڈے ہتھاں وچ مشال

اسی روشنیاں دے نال
اسی کسے کولوں نہ ڈریے اسی نہیریاں نال وی لڑیے
بھری نہیریاں نہیری مچکی اج گل اوہ ساری مکی
دکھ بھل گئے اپنی چال

اسی روشنیاں دے نال
اسی ہر اوکڑ توں لنگے اسی جگ دیاں خیراں منگے
اساں جت لئی سچ دی بازی ساڈے توں رب وی راضی
اساں تھال تھال پائی دھمال

اسی روشنیاں دے نال





قبراں لئی ہار وی مہنگے نہیں
 ہن ڈھونڈیاں پھل وی ملدے نہیں
 جھڑے ہٹیاں تے پئے وکدے نہیں
 اوہ سب خشبو توں خالی نہیں
 ایس دل دے چاک اجوکھے نہیں
 جھڑے کسے کولوں وی سدے نہیں
 کجھ اسی مجاور قبراں دے
 کجھ اپنے پیار وی مہنگے نہیں
 قبراں لئی ہار وی مہنگے نہیں



کدے یاراں نال وی بہندے ساں
 تے ون سونیاں گلاں سن
 اج کتھے ساریاں یاریاں نہیں
 ہن اڈ پڈ گئے اوہ ویلے سبھ
 جد سندے ساں، جد کھندے ساں
 ہن قبراں بیٹھاں جا تے
 سبھ وچھڑے یار وی مہنگے نہیں
 قبراں لئی ہار وی مہنگے نہیں



کدھر جائیے، دسو تے سہی
 سانوں ہن وی سدھر جیون دی
 ایس کارن کیہ کجھ کرنے آں!
 اسل پیار دا ہار پروناں اس
 پھلاں دے باہجھوں ساڈے لئی
 جنہاں کنڈیاں دے وچ لذت سی
 ہن تے اوہ خار وی مہنگے نیں
 قبراں لئی ہار وی مہنگے نیں





عمران دے پچھتاوے

کیہ دسے ہن کتھے گیٹیاں کیہڑے پاسوں لنگیاں!
 سبھے اپنے نال ای لے گئے ساریاں گلاں چنگیاں
 کوئی قبول نہ ہوئی اساں لکھ دعاواں منگیاں
 ہوکے بھریئے، واجاں ماریئے کوئی مڑ نہ آوے

عمران دے پچھتاوے

سُنجے سُنجے باغ 'بغیچے' سب اسماں وی خالی
 اڈ پڈ گئے نیں پنکھ پکھیرو، رووے ڈالی ڈالی
 اپنے کول ای رہ گئی جیہڑی سدھر سدھر پالی
 زخم دلاں دے بن گئے، پھل وی سوہے پیلے ساوے

عمران دے پچھتاوے

جتھے پہنچ نہ ساڈی، سبھاں نیں اوہ تھاواں ملیاں
 ساڈے ہتھاں وچ ہن کیہ اے! خالم خالی تلیاں
 ساریاں راہواں وچ ہنیرا بند نیں سبھے گلیاں
 ہتھ پھرن والے نئیں بھدے، کوئی کتھے جاوے!

عمران دے پچھتاوے





دل دے اندر دیوا بلے میں جاگاں ساری راتی
 دیوے پیارے پیارے جاگن
 میں جاگاں تے تارے جاگن
 میرے نال ای سارے جاگن
 پل پل مینوں دین دلاے سھے سنگی ساتھی
 دل دے اندر دیوا بلے میں جاگاں ساری راتی
 کدے نہ من دی آس بجھاواں
 تکی رہواں اس دیاں راہواں
 بھاویں کجھ پاواں ناں پاواں
 کیہ دساں کیہ گلاں کردی ایس دیوے دی باتی!
 دل دے اندر دیوا بلے میں جاگاں ساری راتی
 بیٹھی اپنی جندڑی گلاں
 صدیاں توں میں روگ اے پالاں
 کد تک اپنا آپ سنبھالاں!
 کدرے بیت نہ جاوے ایویں اپنی درد حیاتی!
 دل دے اندر دیوا بلے میں جاگاں ساری راتی





میں کل مکلا پنچھی
 کتھے اڈ پڈ گئیاں بہاراں ناں توں ناں صحبت یاراں
 ایسہ روگ تے ایسہ اکلاپا میں کنہوں اج پکاراں!
 کہڑے باغ دی خشبو ہویا
 ہر ون سولا پنچھی!
 میں کل مکلا پنچھی
 میں جھڑا سودا کیتا گھاٹے دا سودا کیتا
 میرے ہتھ نہ کجھ وی آیا کیا اچا سودا کیتا!
 جند انج پئی اج کرلاوے
 جیویں کوئی اوّلا پنچھی
 میں کل مکلا پنچھی
 مرے دل دا پھل کملایا ناں کوئی وی ماں پیو جلیا
 اک میں تے مرا وچھوڑا ناں ملن دا موسم آیا
 رووے تے کوکل مارے
 ایسہ دل، ایسہ جھلا پنچھی
 میں کل مکلا پنچھی





ایہہ ووہٹی گھار دی جوتی
 ایہہ سب توں چونواں موتی
 ایس ووہٹی نال بہاراں میں اس توں جندڑی واراں
 سب ایہنوں حیاتی جانن ایدھے نال ای گھر دا چانن
 ایہہ ووہٹی گھار دی جوتی
 ایہہ سب توں چونواں موتی
 ایہہ پیار دا پہلا جھوٹا ایہہ گھار دا ساوا بُوتا
 ہر پاسوں خوشبو آوے ایدھی جھیل نہ جھلی جاوے
 ایہہ ووہٹی گھار دی جوتی
 ایہہ سب توں چونواں موتی
 ایہہ کدی وی کجھ نہ کھوے ایہہ سدا سہاگن ہووے
 ایہہ سب توں رہوے اگے ہر موسم دے وچ بچے
 ایہہ ووہٹی گھار دی جوتی
 ایہہ سب توں چونواں موتی
 ایہہ موتی اے اَن مُلیا ہر کوئی ایس تے ڈلیا
 ایہہ سب دے دل دی سدھر ایہہ سارے گھار دی چدھر
 ایہہ ووہٹی گھار دی جوتی
 ایہہ سب توں چونواں موتی





توں پھل تے میں خشبو

ایسہ پنچھی تے چکاراں سبھ ساڈے نال بہاراں
میں تیرے دل دی دھڑکن تو میری رات دا چانن
اسی اک دوجے دی لو

توں پھل تے میں خشبو

توں گھر دا باغ بگچہ میں باہر دا باغ دریچہ
توں گھر وچ پاویں پیلاں میں سب جگ دے وچ پھیلاں
اسی اک ہو کے وی دو

توں پھل تے میں خشبو

اساں وکھری کھیڈ رچائی ساڈے میل دے وچ جدائی
اسی سبھ دی کھنڈے رھندے ہر ویلے لیندے رھندے
ہر پاسے دی کنسو

توں پھل تے میں خشبو





میں نہ پاواں ایسہ سونے دا گہنا
 ماہی کول اے میرے دل دی کنجی
 ماہی پناں میں لگدی سنجی سنجی
 ماہی آوے تے میں گہناں پااں
 ماہی باج کیہ اپنا آپ دکھاواں!
 کلیاں کیویں ایویں بن بن بہناں!
 میں نہ پاواں ایسہ سونے دا گہناں



ماہی دور تے میں آں کل مکلی
 جگ دے لئی میں مکلی تے میں جھلی
 کون ہن آ کے میرا درد ونڈائے
 ماہی بچے کر آوے پھیرا پاوے
 فیر عیں دنیا کولوں ہور کی لیناں!
 میں نہ پاواں ایسہ سونے دا گہناں



ماہی دے درشن دی میں ترہائی
 میرا گھناتے میرا چن ماہی
 اوہدیاں راہواں تندی اکھ سوالی
 اوہدے بانج میں رکنی خالم خالی
 چپ چپ چپ سارے دکھڑے سہناں
 میں ناں پاواں ایہہ سونے دا گھناتے





سجاں تینوں پیار بلاوے آ جا میرے کول
 راہواں تکیاں عمراں لنگیاں توں نہ مڑ کے پھیرا پیا
 اج تک میری پیاس نہ بجھی اج تک کلا دل ترہیا
 دل دی پیاس بجھا دے بول کے پیار دے مٹھڑے بول
 سجاں تینوں پیار بلاوے آ جا میرے کول
 گلی گلی وچ پھراں نمائی لوکی مینوں کھندے کمل
 پیار اج دل رنج رستہ بھلیا ٹھیڈے کھا کھامیں نہ سنبھلی
 لوکاں میرے ہتھ دے اُتے رکھ دتا کشلول
 سجاں تینوں پیار بلاوے آ جا میرے کول
 کدی تے پا وطنان دل پھیرا جاندا نتیں ویری اکلاپا
 اج وی سجاں تاہنگ اے تیری بھل کے وی نہ کراں سیا
 جاگدی رہواں، بیٹھی رہواں دل دے بوہے کھول
 سجاں تینوں پیار بلاوے آ جا میرے کول





سانبھ سانبھ رکھنی آں گڈیاں پٹولے
 اج تک میرا سوہنا گڈا نہیں آیا
 اوہدے لئی اج وی اے دل ترہایا
 بڑا ترسایا کملی بنایا
 کھاندا رہندا گڈے لئی دل ہچکولے
 سانبھ سانبھ رکھنی آں گڈیاں پٹولے



میرے جیہاں ہور اتھے گڈیاں نہیں لکھاں
 ہیر جیہاں کڑیاں وی ہوياں وانگ لکھاں
 تھک گئییاں اکھاں ملیاں نہ دکھاں
 اوہناں نال دل میرا پکھی وانگوں ڈولے
 سانبھ سانبھ رکھنی آں گڈیاں پٹولے



گڈیاں دا ہار تے شنگھار کر لواں
 سبھناں نوں بلغ تے بہار کر لواں
 پیار کر لواں دلار کر لواں
 خورے میرا دل کل بولے کہ نہ بولے!
 سانبھ سانبھ رکھنی آں گڈیاں پٹولے





مینوں اپنے دل وچ رکھ لے
 مرے ساہ وچ تیرا ساہ اے فیرو کیوں دل وچ پھاہ اے
 تری چھاتی وی بولے گی من بھیت سبھے کھولے گی
 سینے دی رل وچ رکھ لے
 مینوں اپنے دل وچ رکھ لے

ترے نال میں ٹردی جاواں ترا بن جاواں پرچھاواں
 تیرے توں وکھ نہ ہوواں گلایاں دا گکھ نہ ہوواں
 توں اکھ دے رل وچ رکھ لے

مینوں اپنے دل وچ رکھ لے
 ترے نال کراں مزدوری تینوں کٹ کھواواں چوری
 جھٹ آویں دیر نہ لاویں پرزہ ای نہ بن جاویں
 توں اپنی رل وچ رکھ لے
 مینوں اپنے دل وچ رکھ لے





کنناں لوکاں نال میں یاری لائی!
 مکھن کھا گئے سارے چورتے ہانی
 میں تاں چاٹی وچ ساں اک مدانی
 دکھاں دے وچ رُل گئی جند نمائی
 سبھناں نیں اگ وارو واری لائی
 کنناں لوکاں نال میں یاری لائی



کیہ دساں کیہ ورتی نال حیاتی
 میں دیواتے ساں، پر ساں بن باقی
 جنج چڑھی، نال آئے نال براتی
 چوٹ جھڑی وی لائی کاری لائی
 کنناں لوکاں نال میں یاری لائی!



کسے نے آ کے دل دا زخم نہ سیتا
 اوہناں دے ہاسے میں چپ چپیتا
 دانیاں بینیاں مینوں پاگل کیتا
 میرے پچھے خلقت ساری لائی
 کنناں لوکاں نال میں یاری لائی!





ایسہ دنیا ایسہ جھلی
 رووے تے روندی جاوے سے تے ہسدی جاوے
 جیدھے ہتھ جو کجھ ویکھے اوہدے توں کھسدی جاوے
 ایسہ اندروں کنی پکی
 اُنج لگدی لل ولی
 ایسہ دنیا ایسہ جھلی
 خورے کد کیہ کر دیوے ایدھے کولوں سب ڈردے
 سب لوکی اندروں باہروں جیوندے ہوئے وی پئے مردے
 ایسہ جھڑے پاسیوں آوے
 پاندی جاوے تھرتھلی
 ایسہ دنیا ایسہ جھلی
 اسی جھڑے پاسے مڑیے ایدھا اسی شور سیپا
 ایدھے اندر وڑ کے ویکھو اس کملی وا اکلاپا
 ایسہ جنی اتھری لگے
 اونی اسی کل مکی
 ایسہ دنیا ایسہ جھلی





میں تیرے رنگ وچ رنگیا مرے کپڑے اکو رنگ دے
 سبزے ورگے اسمانی
 ایسہ میری پیار نشانی
 ایدھے وچ دل دی بانی
 ایسہ چلدے پھردے لوکی مرے دل چوں ہو کے لنگھدے
 میں تیرے رنگ وچ رنگیا مرے کپڑے اکو رنگ دے
 مرے مکھ تے تیرا ناں ایں
 توں میرا شہر گراں ایں
 توں سوہنی سبھری چھال ایں
 سبھ آ آ آیتھے بہندے سبھے نہیں میرے سنگ دے
 میں تیرے رنگ وچ رنگیا مرے کپڑے اکو رنگ دے
 میں دل وچ ہیر وسا کے
 تیرے بوہے تے آ کے
 تینوں اپنا آپ وکھا کے
 سبھ کچھ لوکاں نوں ونڈیا ایسہ میتھوں مینوں منگدے
 میں تیرے رنگ وچ رنگیا مرے کپڑے اکو رنگ دے





مری ونبھلی کیوں کرلاوے!
 میں ہیر سیال نوں لبھاں تھک ٹٹ گئیاں نیں پہاں
 مینوں مار مکایا سبھاں مینوں کجھ وی سمجھ نہ آوے
 مری ونبھلی کیوں کرلاوے!
 میں کیہڑے پاسے جاواں! مینوں چھڈیا بھین بھراواں
 سبھ ویریاں مکلیاں راہواں ایہہ رکنوں کول بلاوے!
 مری ونبھلی کیوں کرلاوے!
 میں بھیس وٹائے لکھاں میں گکھ ہويا وچ لکھاں
 کدرے ننیں اوہدیاں دکھاں کوئی ہیر نوں ڈھونڈ لیاوے
 مری ونبھلی کیوں کرلاوے!





وَنجھلی دے سُر کیہ کہندے نیں!
 ایسہ وَنجھلی ساڈی سدھراں دی
 پر ایسہ دنیا بے قدراں دی
 وَنجھلی دے سُر کرلاوندے نیں
 جاوَن والے کد آوندے نیں
 رکتھے وِسدے رکتھے رہندے نیں
 وَنجھلی دے سُر کیہ کہندے نیں!



جھڑے نیڑے نیڑے وِسدے نیں
 اوہ وی کد دل دی وِسدے نیں!
 اَنج قول قرار نیں پیاراں دے
 پر یار نیں ویری یاراں دے
 اپویں پئے بن بن بہندے نیں
 وَنجھلی دے سُر کیہ کہندے نیں!



کندھاں تے لکھاں پھوٹاں نیں
 پر ہور ای دل دیاں چوٹاں نیں
 ایہہ روگ نے مارن والے وی
 پر مکیا نتیں دل ہالے وی
 سُر کیہ کیہ دکھڑے سہندے نیں!
 ونبھل دے سُر کیہ کہندے نیں!





سدھراں دی ووہٹی سجدی اے
 جھومر پیا لٹکے لش لش لش
 ہتھاں تے بوٹے مہندی دے
 اکھیاں وچ ویاں چاہواں نیں
 پیراں وچ جھانجر وجدی اے
 سدھراں دی ووہٹی سجدی اے



بابل دی چھتر چھاں وی اے
 ماں دی گودی جنت ورگی
 چھک اپنے بھین بھراواں دی
 پر ایسہ گل ساری اج دی اے
 سدھراں دی ووہٹی سجدی اے



کل ماہی دے گھر ٹر جاناں
 جیدھی ٹھنڈ اوہدے سینے دے وچ
 جیدھے پیار دی بولی کھنڈ ورگی
 انہوں عمراں لئی پئی کجی اے
 سدھراں دی ووہٹی سجدی اے





جہڑا میرے دل وچ بول دا اے اوہ چن ماہی دا ناں
 کوئل پئی کوکے کو کو کو
 تے بولے پیہا پی پی پی
 ایہہ ساری رچنا چاہواں دی
 میں دل دا تونبا چھیڑ کے پئی گاؤندی شہر گراں
 جہڑا میرے دل وچ بولدا اے اوہ چن ماہی دا ناں
 ازلاں توں دل ترہایا اے
 مری پیاس کدے وی بھجھدی نہیں
 مینوں ہور کوئی گل بھجھدی نہیں
 مینوں ایہو سوچاں مار گئیاں چن چڑھیا کیٹری تھان
 جہڑا میرے دل وچ بولدا اے اوہ چن ماہی دا ناں
 اوہدی لو پئی کھلے گھر گھروچ
 میں جانی آں اوہ سب دا اے
 پر مینوں بھروسہ رب دا اے
 مری بُکل وچ چن ماہی دی تے اوہدی سجری چھاں
 جہڑا میرے دل وچ بولدا اے اوہ چن ماہی دا ناں





ست رنگی پینگ اسمانی
 ایہہ ساڈی پیار نشانی
 ایس پینگ دے اتے بہہ کے اسی لیندے پیار ہمارے
 ایدھے رنگاں دی خشتبو وچ ساڈے پیار دے رنگ نیں سارے
 ایہہ ساڈا روپ جوانی
 ست رنگی پینگ اسمانی
 ایہہ ساڈی پیار نشانی
 اینوں جیوں جیوں تکدے جائے ویلے دیاں اکھاں پھڑکن
 ایدھے نال ای وودھی جاوے ساڈے دل دی دھڑکن دھڑکن
 ایہو ساڈی دل جانی
 ست رنگی پینگ اسمانی
 ایہہ ساڈی پیار نشانی
 اس پینگ نیں اڈ پڈ جاناں اینوں دل وچ سانجھ کے رکھے
 فیر لنگ جان بھاویں عمراں ایدھے رنگاں نوں پئے چکھئے
 ایہہ اپنی امر کہانی
 ست رنگی پینگ اسمانی
 ایہہ ساڈی پیار نشانی





اج کیوں میری اکھ پئی پھڑکے!

رکنے ورہیاں بعد اج مینوں یاد کیتا اے سوہنے ماہی
لے گیا سی میرا دل کھس کے فیر نہ مڑ کے آیا راہی
فیر اج چندرا دل پیا دھڑکے!

اج کیوں میری اکھ پئی پھڑکے!

ہور وی اوہ مینوں تڑفاوے جنال اوہنوں یاد کراں میں
اوہ وی مینوں یاد کرے تے کیوں روواں فریاد کراں میں!
کئی اجو کھی اک پئی بھڑکے

اج کیوں میرا دل پیا دھڑکے!

جاواں میں سبھ نوں کہہ آواں اج میرا ماہی آوے گا
کھل گئے نیں باغ بلیچے سجا گھار وی وس جاوے گا
مڑ مڑ دل دا بوہا کھڑکے

اج کیوں میری اکھ پئی پھڑکے!





توں دل دی جھوک و سائی
 میں اک شاعر ساں جھلا رہندا ساں کل مکلا
 توں ووہٹی بن کے آئی
 توں دل دی جھوک و سائی
 توں انج میرا دل کھیا سارا گھر ہیا و سیا
 توں میری عمر ودھائی
 توں دل دی جھوک و سائی
 ساڈے بال نیں باغ بنیچے ہن کھلے رہن درتے
 وگدی رہوے پروائی
 توں دل دی جھوک و سائی





ایسہ کڑی تے میرے ہان دی اے
 ایسوں اپنے دل تے قابو نہیں ایدھے وس ایدھا جادو نہیں
 ہر ویلے ہدی پندی اے ایسہ عمر ای پیلایاں پان دی اے
 ایسہ کڑی تے میرے ہان دی اے
 لگدی تے بھولی بھالی اے پر دل لے جاون والی اے
 رہندی اے نال بہاراں دے ایسہ سدا جوانیاں مان دی اے
 ایسہ کڑی تے میرے ہان دی اے
 ایسہ میرے دل وچ رہندی اے اکھاں اکھاں وچ کھندی اے
 میں تیرا گھار وسانا ایسہ ساریاں رمزاں جان دی اے
 ایسہ کڑی تے میرے ہان دی اے





کدی میرے کول وی آ بجان
 کیوں ہاسیاں تے رنگ رلیاں وچ اوہ سونہیاں گلیاں بھلیاں ایں!
 متیوں کنیاں چنگیاں لگدیاں سن ہن سدھراں جھلیاں بھلیاں ایں!
 فیر روپ سروپ وکھا بجان

کدی میرے کول وی آ بجان
 عمراں تے صدیاں بیت گئیاں توں مڑ کے پھیرا پیا ننیں
 میں تیری ساں میں تیری آں توں اپنا قول نبھایا ننیں
 اوہ پریت دی ریت نبھا بجان

کدی میرے کول وی آ بجان
 اج وی بوہے تے بیٹھی ہوئی میں تیری رہ پئی تگنی آں
 ترے آون دی سِک ایسی اے ناں اکنی آں، ناں تھکنی آں
 مڑ، دل دی جھوک وِسا بجان
 کدی میرے کول وی آ بجان





دل سینے دے وچ دھڑکن دے
 دل نیں بہتا تڑفایا اے ایس ویری مار مکلیا اے
 کد وچھڑیا یار ملایا اے!
 اینوں تن پنجرے وچ پھڑکن دے
 دل سینے دے وچ دھڑکن دے
 میں کل مکلی سکھیاں وچ رولا، ساہواں دیاں پکھیاں وچ
 ہن سڑدیاں بلدیاں اکھیاں وچ
 اتھرو اتھرو نوں رڑکن دے
 دل سینے دے وچ دھڑکن دے
 ایسہ مٹھرا روگ حیاتی دا سکھ ساتھی اے دن راتی دا
 کہندا اے درد اے چھاتی دا
 نت پیار دا بوہا کھڑکن دے
 دل سینے دے وچ دھڑکن دے





اک رانجھا دل دے جھنگ دا مینوں اپنے رنگ وچ رنگ دا
 اوہ جھڑا وی رنگ پاوے اوہدے پنڈے اتے سجدا
 اوہنوں پیار دی مٹکھ اے ایڈی مینوں ویکھ ویکھ نہیں رجدا
 جد میرے کولوں لنگھدا اوہ ہولے ہولے کھنگ دا
 اک رانجھا دل دے جھنگ دا مینوں اپنے رنگ وچ رنگ دا



کدھرے پھلاں دے بدلے کنڈیاں دے ہار نہ دیوے
 ڈرنی آں ہیر بنا کے اوہ مینوں مار نہ دیوے
 فیر وی چاہ اوہدے سنگ دا اوہ میرا لوں لوں ڈنگ دا
 اک رانجھا دل دے جھنگ دا مینوں اپنے رنگ وچ رنگ دا



اوہدی اکھاں دی لالی میرے سجرے لہو ورگی
 اوہ سفنے ٹٹ نہ جاون جھڑے ویکھاں سرگی سرگی
 اوہ عاشق پیار پتنگ دا مینوں میرے کولوں منگ دا
 اک رانجھا دل دے جھنگ دا مینوں اپنے رنگ وچ رنگ دا





جھلیاں نہ جانڈیاں ایسہ دلاں دیاں دوریاں
 رنج کئے نہ گلاں ہوياں کدی وی اوہ پیاریا
 میں تے تیرے لئی چنا تن من ہاریا
 مینوں تیرے جوٹھ موٹھ لاریاں نہیں ماریا
 کدی وی نہ مکیاں ایسہ تیری مجبوریاں
 جھلیاں نہ جانڈیاں ایسہ دلاں دیاں دوریاں



توں تے میرا رانجھنا سیں فیر کاہنوں مہلیا
 سچ دس ہور تے نہیں کسے اتے ڈلھیا
 اج تک تیرا کدی بھیت نہیں کھلایا
 میں تے ہیر بن کے کھلایاں تینوں چوریاں
 جھلیاں نہ جانڈیاں ایسہ دلاں دیاں دوریاں



مڑ آ او بنجاں میں تینوں پئی اڈیکدی
 مونہوں نہیں بولدی تے اندروں میں چیکدی
 تیریاں اڈیکاں وچ کنبہاں پئی لیکدی
 دل دیاں ہوياں کدی سدھراں نہ پوریاں
 جھلیاں نہ جانڈیاں ایسہ دلاں دیاں دوریاں





مری جھولی پا دے ہور وی کجھ
 توں سائیں میری جندڑی دا
 کیوں لکنا ایں مرے سامنے آ
 مینوں اپنے پیار دا روپ دکھا
 مرے دل دا سن لے شور وی کجھ
 مری جھولی پا دے ہور وی کجھ



میں مہکھی پیار تے سچ دی آں
 میں اُنج تے چوڑی کچ دی آں
 پر عشق ترے وچ نجدی آں
 ہویا کلا دل دا مور وی کجھ
 مری جھولی پا دے ہور وی کجھ



کیوں ہور کسے بوہے تے جاں!
 میں تیتھوں تینوں منگنی آں
 مرے عشق دا اے ترے ہتھ نیاں
 نہیں چلدا اُنج تے زور وی کجھ
 مری جھولی پا دے ہور وی کجھ





تیرا سوہنا شہر آباد روے
 توں مجگ مجگ وسیں جیوندا رہیں
 خوشیاں دا امرت پیندا رہیں
 بھاویں میرا دل برباد روے
 ترا سوہنا شہر آباد روے



ترے دل دے چارے پاسیاں وچ
 ترے ڈلھ ڈلھ پیندے ہاسیاں وچ
 ناں کدی مری فریاد روے
 ترا سوہنا شہر آباد روے



چاہواں دے ہار پروندا سی
 اک ترا جمیل وی ہوندا سی
 رب کرے اوہ تینوں یاد روے
 ترا سوہنا شہر آباد روے





مرے دل وچ نچدا مور نی
 مرے اندر دھونی پیار دی میں جتنی رنگائی یار دی
 مرے لوں لوں وچ اوہ بولدا مرے لہو وچ اوہدا شور نی
 مرے دل وچ نچدا مور نی
 میں ویکھاں کوئی دیکھے ناں سکھیاں نوں پین بھلیکھے ناں
 اوہ کئے دے ہتھ نہیں آؤندا پلکاں دے گھار اچ چور نی
 مرے دل وچ نچدا مور نی
 اوہ میرا خواب خیال نی مرا سستی ورگا حال نی
 میں اوہدے نال ای اڈنی آں مرے ہتھ وچ پکّی ڈور نی
 مرے دل وچ نچدا مور نی





توں کاہنوں لایاں لیکال
 اج بہہ کے وچ شریکاں!
 میں اپنی جیسہ وی سیتی توں پیار دی قدر نہ کیتی
 جو بیتی اوہ تے بیتی پر اندروں اندریں چیکاں
 توں کاہنوں لایاں لیکال
 اج بہہ کے وچ شریکاں!
 توں میرے روپ تے ڈلھیا ہن تیرا بھیت اے کھلیا
 تن مٹی دے وچ رلیا کرلاون اج اڈیکاں
 توں کاہنوں لایاں لیکال
 اج بہہ کے وچ شریکاں!
 سب ٹٹ گئے رشتے ناٹے دن ڈبیا رات ای رات اے
 ہن عمراں دے جگراتے میتھوں پچھدیاں روز تریکاں
 توں کاہنوں لایاں لیکال
 اج بہہ کے وچ شریکاں!





ایس دل دی تھاہ نتیں لبھدی
 ایسہ دل سمندروں ڈوہنگا
 میں ڈبدا تردا جاواں
 اوہ موتی ڈھونڈ لیاواں
 جھڑا موتی سب توں سُچا
 پر اوہ موتی نتیں ملنا
 جس ویلے تک کملے نوں
 کوئی سچی چاہ نتیں لبھدی
 ایس دل دی تھاہ نتیں لبھدی



ویلے دے پانیاں دے وچ
 میں کینیاں تاریاں ترناں
 کدے جیوناں تے کدے مرناں
 کدے اِس راہ تے میں چلدا
 کدے اُس راہ تے مڑ جاندا
 جھڑی منزل تک اپڑاوے
 اوہ بچ دی رہ نتیں لبھدی
 ایس دل دی تھاہ نتیں لبھدی



مڑ اپنے کول ای آواں
 اندر دل جھاتی ماراں
 ایے وچ باغ بہاراں
 ایویں پیا نسا بھدا
 میں جس نوں باہر ڈھونڈاں
 اوہ ایے دل وچ وسدا
 کوئی ہور پنہ نئیں لبھدی
 ایس دل دی تھاہ نئیں لبھدی





میں کملی، میں ٹیار
 مینوں اڑیو سرت نہ کوئی
 میں پیار اچ جھلی ہوئی
 میں اوہدی اوہ نہیں میرا
 میں سوچ کے ہس پئی، روئی
 میں اوہنوں لبھدی پھردی
 جنگل بیلے وچکار
 میں کملی، میں ٹیار



رکتھوں اوہنوں ڈھونڈ لیاواں!
 میں گھٹ کے مر نہ جاواں
 مرے کولوں نس نہ جاوے
 مرا اپنا ای پرچھاواں
 کتھے جا ویا چن سوہنا!
 میں جاواں کیدھے دوارا!
 میں کملی، میں ٹیار



جے چن سوہنا مل جاوے
 بانہ پھڑ کے نال وساوے
 کھڑ کھڑ جاوَن پھل بوٹے
 ہر پاسیوں خشبو آوے
 میں ہساں 'گواں' نچاں
 کر کر کے ہار شنگھار
 میں کملی 'میں' میار





مڑ آ بجنال دے ویڑے
 توں کتھے یاریاں لایاں
 آ، ویکھ بہاراں آیاں
 پھل کھڑکھڑکھڑکھڑ ہسے
 اسی اوسے گھار اچ وسدے
 تینوں گھلدے روز سنہڑے
 مڑ آ بجنال دے ویڑے



جہڑے اچے دیں والے
 اوہ لکھاں بھیسال والے
 آپے تے ہن وسن
 پر ساتھوں پیار وی کھسن
 نت پاوندے پیار بکھیرے
 مڑ آ بجنال دے ویڑے



سدھراں نیں ون سولیاں
 توں کاہنوں دوریاں ملیاں!
 ایتھے کس گل دی تھوڑا اے!
 سانوں تے تیری لوڑا اے
 اسل بوہے تے ننیں بھیڑے
 مڑ آ بجاں دے ویڑے





ماواں 'بھیناں' بھرجائیاں
 انج گئیاں 'ناں مڑ آئیاں
 اوہناں دیاں کیہ کیہ سدھراں!
 اکھاں دے وچ سویرے
 پر چار چغیر ہنیرے
 نال قدر کیتی بے قدریاں
 اوہ گلی لکڑی وانگوں
 چپ چپ چپ دھندیاں رہیاں
 ماواں 'بھیناں' بھرجائیاں
 انج گئیاں 'ناں مڑ آئیاں



اوہناں تے کیہ کیہ جیتی!
 مکھ مکھ تے لکھ بہاراں
 پر دل وچ زخم ہزاراں
 کدی کھل کے گل نہ کیتی
 کتھے اڈ پڑ گئی حیاتی!
 رہیاں 'کہیاں' ان کہیاں
 ماواں 'بھیناں' بھرجائیاں
 انج گئیاں 'ناں مڑ آئیاں



ویراں دیاں راہواں تھکدے
 مائیاں دی خیر مناندے
 بچناں دے خواب سچاندے
 پر اوہ وی بھٹکدے بھٹکدے
 مینوں کل مکلا کر کے
 آپے کتھے رُ گئیّاں
 ماواں 'بھیناں' بھرجائیاں
 انج گئیّاں 'ناں' مڑ آئیاں





اے تھے جگنو، وا، خشبو سارے نیں قیدی
 ہر پاسے کنڈاں وا گھیرا
 چار چوہیرے گھور ہنیرا
 کیہہ کہیے کجھ کہہ نہیں سکدے
 کہنوں باج وی رہ نہیں سکدے
 سورج دے لشکارے، چن تارے نیں قیدی
 اے تھے جگنو، وا، خشبو سارے نیں قیدی



لتاں وچ کند پے گئی اے
 اک اک جندڑی بند پے گئی اے
 سن دی وی رہ نہیں کوئی
 نئے وی تے ساہ نہیں کوئی
 جنم جنم توں درداں دے مارے نیں قیدی
 اے تھے جگنو، وا، خشبو سارے نیں قیدی



ساڈا لوں لوں اے فریادی
 بس اک مرن دی اے آزادی
 فیروں ساڈے کول اک شے وے
 جیون دا وی حق تے ہے وے
 مڑ مڑ کھندے نیں جہڑے پیارے نیں قیدی
 ایستھے جگنو، وا، خشبو سارے نیں قیدی





ہر کوئی وکاؤ مال
 یاراں نیں کھولی ہٹی
 تے کجھ ناں ہوئی کھٹی
 چوراں نیں چور خریدے
 کجھ جی پڑھائی پٹی
 آئے لٹ پٹ کے لے گئے
 ہر چیز اوہ اپنے ناں
 ہر کوئی وکاؤ مال



ہر ویٹھے منڈیاں کھلیاں
 تکرئی وچ عزتاں تلیاں
 ہن گل گل دے وچ دھوکھا
 چاہواں، سچائیاں بھلیاں
 ہن ہور دلاں دے سودے
 ہن پیٹ دے ہور سوال
 ہر کوئی وکاؤ مال



نہیں ملنی فیر حیات
 اندر دل پائیے جھاتی
 دیوے دی لو ناں رہوے
 تے بچھ جاندی اے چھاتی
 دل دیوا بال کے رکھے
 ایتھے روشنیاں دا کل
 ہر کوئی وکاؤ مل





کیوں میرے نیڑے لگدا ایں!

توں جھوٹھا ایں

تیاں گلاں بس گلاں نیں

ایسہ چڑھیاں لہندیاں چھلاں نیں

تیری ناں اور نہ چھور کوئی

توں گل گل دے وچ ٹھکدا ایں

کیوں میرے نیڑے لگدا ایں!

توں جھوٹھا ایں

میں کڑی آں پھل تریل جئی

میتھوں بھٹدی رہوے سویر پئی

مینوں خاک سواہ نہ کر دیویں

توں لمبو بلدی اگ دا ایں

کیوں میرے نیڑے لگدا ایں!

توں جھوٹھا ایں

ترا چھل فریب وی مکناں نہیں
 توں میرے کول وی رکنان نہیں
 جتھے جاناں ای جا کڑ جا
 توں ویری پنڈ دی پگ دا ایں
 کیوں میرے نیڑے لگدا ایں!
 توں جھوٹھا ایں





اوہ کڑی کنک دے رنگ دی
 خورے کیوں چنگی لگدی!
 جتھے بہندی اوتھے سجدی
 اوہنوں تک تک اکھ نہیں رجدی
 کیوں میرے کولوں سنگدی!
 اوہ کڑی کنک دے رنگ دی



اوہدے من وچ سدھراں پلایاں
 'بلیاں' مصری دیاں ڈلیاں
 گل گل وچ وجدیاں ٹلیاں
 دل وچوں ہو کے لنگ دی
 اوہ کڑی کنک دے رنگ دی



میں دھپ تے اوہ پرچھاواں
 اوہنوں اپنے گھار لیاواں
 چاہواں دا شہر وساواں
 خورے میتھوں کیہ منگ دی!
 اوہ کڑی کنک دے رنگ دی





بانہواں وچ گجرے پیار دے
 اسی رُ رُ کے نل تھکے
 نل رکے تے نل اکے
 سب جانجی سجے کھے
 ساہواں وچ ونبھلی وجے
 جد آن سنوڑے یار دے
 بانہواں وچ گجرے پیار دے



راہواں وچ کیدو، کھیڑے
 اسل ڈھکنا ہیر دے ویڑے
 اوہ کد دی راہ اڈیکے
 اوہ ہر دل دی وسنیک اے
 اسی ویریاں توں نتیں ہار دے
 بانہواں وچ گجرے پیار دے



جھڑے سانوں زہر پیاون
 اوہ آپے مکدے جاون
 اسان ہیر دا ای دم بھرنا
 اسان مر کے وی نتیں مرنا
 بھاویں مارن والے ماروے
 بانہواں وچ گجرے پیار دے





مرے مہندی والے ہتھ
 توں مینوں چنگا لگا
 میں تینوں چنگی لگی
 تری اکھیاں نہیں کیتی
 مرے دل نال ٹھگی
 توں آیا میرے گھار
 میرا منگ لیا پیار
 کیوں نہ ہوئی میرے نال
 تیری گل تیری کتھ!
 مرے مہندی والے ہتھ



مرے متھے دا توں ٹکا
 میرے گل دا توں ہار
 مرا جھمکا وی توں
 توں این میرا دلدار
 مرا بولے رُوں رُوں
 مرے ساہواں وچ توں
 کرے تیرے نال گلاں
 میری اکھ 'میری نتھ
 میرے مہندی والے ہتھ



ڈولی چڑھنے توں پہلاں
 مرا دل پیا ڈولے
 توں میری ایں میں تیرا
 کوئی کھندا ہولے ہولے
 مینوں ملنے توں پہلاں
 پھل کھڑنے توں پہلاں
 میرے جن مرے ماہی
 میرے دل نوں نہ متھ
 میرا مہندی والے ہتھ





ترے نک دا سنہری کوکا
 جیڑے پاسیوں لنگدی جاویں
 راہیاں دا دل پرچاویں
 ترا کوکا چمکاں مارے
 کھیتاں دے بھاگ سنوارے
 نتیں فصلاں نوں لگتاں سوکا
 ترے نک دا سنہری کوکا



کدی میرے کول وی آ جا
 میرے وی بھاگ جگا جا
 میں پیار دا کھوہ پیا گھیراں
 کیوں دل دا بوہا بھیراں
 مرے کھوہ چوں بھرے بوکا
 ترے نک دا سنہری کوکا



توں ہیر میں تیرا رانجھا
 توں دور میں تیرا مانجھا
 تری تکیاں تکیاں راہواں
 کدھرے میں بن نہ جاواں
 مڑ وارث شاہ دا ہوکا
 ترے نک دا سنہری کوکا





کیوں تیریاں رُلایاں اکھیاں!
 دس تیرے تے کیہ ورتی!
 کیہ حال توں اپنا کیتا!
 تن لیراں لیراں ہویا
 کیوں من دا پھٹ نہ سیتا!
 تینوں دیکھ کے ڈلھیاں اکھیاں
 کیوں تیریاں رُلایاں اکھیاں!



کیہڑا سی جیدھی چاہ وچ
 توں پھریا جنگل بیلے!
 رُیا سیں کیہڑے پاسے
 دنیا دے چھڈ کے میلے!
 کیوں سبھ کجھ بھلیاں اکھیاں!
 کیوں تیریاں رُلایاں اکھیاں!



توں میری ہک نال لگ جا
 جھلیا میں تیری ماں واں
 توں نور مری اکھیاں دا
 میں تیری سبھی چھاں واں
 اکھیاں وچ بتلیاں اکھیاں
 کیوں تیریاں رلیاں اکھیاں!





ایسہ ساڈے روگ اولڑے
 کوئی دل دا بھیت نہ جانے
 سب باہروں باہروں ویکھن
 اندر دی کون پچھانے!
 ایسہ بھے جوگ اولڑے
 ایسہ ساڈے روگ اولڑے



عمران دے پئے وچھوڑے
 اوہناں دے درد اجوکھے
 جھڑے دل وچ پکدے پھوڑے
 ایسہ دکھ سنجوگ اولڑے
 ایسہ ساڈے روگ اولڑے



سبھناں دی خیر منائی
 پر سارے لوکاں کولوں
 اسی اپنے روگ چھپائی
 جھلیاں دے سوگ اولڑے
 ایہہ ساڈے روگ اولڑے



سانوں سبھ ویکھن آون
 کجھ وی نتیں ساڈے پلے
 پر سبھے مراداں پاون
 اسی جوگی لوگ اولڑے
 ایہہ ساڈے روگ اولڑے





کیہ گل کرے کہن نوں ایتھے گل کوئی ناں
 دکھرے دکھرے اک دوجے توں
 خورے مکدے پئے آں کنہوں!
 جیون دا ہن چس کوئی ناں
 گل نتیں بندی وس کوئی ناں
 کسے کول وی رہ لبھن دا دل کوئی ناں
 کیہ گل کرے کہن نوں ایتھے گل کوئی ناں



اکو جہیاں سب دیاں پیڑاں
 سب دیاں سدھراں لیراں لیراں
 فیر وی کٹھے ہو نتیں سکدے
 نالو نال کھلو نتیں سکدے
 جیویں اتھے ساڈے اج تے کل کوئی ناں
 کیہ گل کرے کہن نوں ایتھے گل کوئی ناں



اک دوجے نوں جے بھ لیئے
 مردیاں مردیاں دی جی پیئے
 کوئی گل نہ اوکھی ہووے
 اپنی منزل سوکھی ہووے
 صدیاں دی گنجلاں دا ہور تے حل کوئی ناں
 کیہ گل کریے کہن نوں ایتھے گل کوئی ناں





اوہ گلاں سن سب کہن دیاں
 کہناں تے کرناں ہور اے کجھ
 جیوندے جی مرناں ہور اے کجھ
 تہ موئے مارے لوکاں دے
 ایہ روگ سمجھ وچ آندے نیں
 جے ہمتاں ہوون سہن دیاں
 اوہ گلاں سن سب کہن دیاں



کیوں جھوٹھیاں گلاں کردے او
 سچ کہن توں ایناں ڈردے او!
 سمجھو، لوکی کیہ کہندے نیں!
 گلاں، سبھ پچیاں گلاں نیں
 لوکاں نال اٹھن بہن دیاں
 اوہ گلاں سن سب کہن دیاں



ایہناں محلاں دے وچ رہ کے تے
 ایس تخت دے اتے بہہ کے تے
 لوکاں دے کالج سنور دے نتیں
 رب کول سزاواں ڈاہڈیاں نیں
 ست اسمانں توں ڈھن دیاں
 اوہ گلاں سن سب کہن دیاں





سانوں جیوندیاں مار نہ دیویں
 نال اپنا گھار بھلاویں
 نال ہر بوہا کھڑکاویں
 نیوں غیراں نال نہ لاویں
 اوہ تینوں ڈنگ نہ لیوں
 سپاں نوں پیار نہ دیویں
 سانوں جیوندیاں مار نہ دیویں



اوہناں دا چھل، دلاسا
 کھوٹا اے ہر ہر پاسا
 بن جائیں نہ جگ دا ہاسا
 توں مان تران اساڈا
 ایہنوں وی وار نہ دیویں
 سانوں جیوندیاں مار نہ دیویں



رکھ سدھر سدھر تازی
 ناں بھیڑتے ہوویں راضی
 ترے ہتھ اے جھڑی بازی
 ٹے دا کھیڈ کے جواء
 توں اوہ وی ہار نہ دیویں
 سانوں جیوندیاں مار نہ دیویں





توں ایس دھرتی دا لال
 توں دھرتی دا دودھ پیتا
 توں ہر سوہنا کم کیتا
 توں دیس دا ڈھول سپاہی
 ترے پیراں بیٹھاں شاہی
 سب خلقت تیرے نال
 توں ایس دھرتی دا لال



مڑ کہیاں دھپاں چڑھیاں
 پکیاں فصلاں وی سڑیاں
 دھپاں وچ زہر سی کوئی
 یا رب دا قہر سی کوئی!
 دس کدھروں آیا کال!
 توں ایس دھرتی دا لال



اج دھرتی دیوے دہائی
 مری لٹ پٹ گئی کماٹی
 دودھ ماں نوں سینے لا لے
 لہو دے کے ایہنوں بچا لے
 توں ایں ایدھا لُج پال
 توں ایں دھرتی دا لال





اوہ کیوں نہیں بوہا کھولدی!
 میں اوہدے بوہے آیا واں
 میں صدیاں دا ترہایا واں
 میں رکتھے جا کے دساں کی!
 اوہو تے میری سدھر سی
 ویٹھے چوں کیوں نہیں بولدی!
 اوہ کیوں نہیں بوہا کھولدی!



کیہ اوہدے اتے بتی اے!
 اوہ اج کیوں چپ چپیتی اے
 جھڑی میرے باج نہ رہندی سی
 مینوں اپنا چن کھندی سی
 کنہوں نہیریاں دے وچ ٹولدی!
 اوہ کیوں نہیں بوہا کھولدی!



میں ازلاں دا پردیسی ساں
 میں کئی دیر نال آیا واں
 خورے اوہ کدھر کھو گئی اے!
 خورے پردیسن ہو گئی اے!
 چاہ لے گئی نال ای ڈھول دی
 اوہ کیوں نہیں بوہا کھولدی!





اوہ پاندے نِت بجھارتاں
 ننیں ساڈی قدر پچھاندے
 سانوں بل ایانے جاندے
 سانوں کجھ ہور نیں دسدے
 کردے کجھ ہور شرارتاں
 اوہ پاندے نِت بجھارتاں



ایں چھین چھوت نے ماریا
 اسں اپنا سبھ کجھ ہاریا
 اوہناں نوں تے اکھیوں اوہلے
 لٹن دیاں خوب مہارتاں
 اوہ پاندے نِت بجھارتاں



ہن ساڈیاں گلاں تیکھیاں
 اسں خون دے نال نیں لکھیاں
 اسں بچھ لیاں سب رمزاں
 پیاں کہندیاں اج عبارتاں
 اوہ پاندے نِت بجھارتاں





کنوں دساں رکھتے جا کے اپنی پیاس بجھاواں!
 سینے وچ گھٹ کے رہ گئیاں کہیاں کہیاں سدھراں!
 دل دی کوئی قدر نہ کیتی بے درداں، بے قدراں
 جیساں دھپاں چڑھیاں کدھرے وی نہیں لبھدیاں چھاواں
 کنوں دساں رکھتے جا کے اپنی پیاس بجھاواں



نردیاں نردیاں پے گئے اپنے پیراں بیٹھاں چھالے
 تتی ریت نیں لوں لوں دے وچ کئے بھانڈے بالے!
 ٹٹی ہوئی ونبھلی دے سر کیہ بولن وچ ساہواں!
 کنوں دساں رکھتے جا کے اپنی پیاس بجھاواں!



میں ترہیا فیر وی کیدھے لئی میں نردا جاواں!
 سوکھیاں ہوندیاں جاوَن آپے ساریاں اوکھیاں راہواں
 دوروں کوئی واجاں مارے کون کھلار کے بانہواں!
 کنوں دساں رکھتے جا کے اپنی پیاس بجھاواں!





اک جندڑی تے لکھ جھیلے
 پوہ پھٹے تے چڑیاں بولن
 کناں وچ امرت رس گھولن
 فیکٹریاں دے گھنٹے شوکن
 آن جگاں سرگی ویلے
 اک جندڑی تے لکھ جھیلے



میری ہیر تے بال ایاں
 ایناں دے دکھ کون پچھانے!
 بھلدے جاوَن ونبھل دے سُر
 دن بھر ڈھڈا کولو پیلے
 اک جندڑی تے لکھ جھیلے



شام پوے تے نٹیا ہویا
 گھار آواں میں لٹیا ہویا
 منگائی بھ کجھ کھا جاوے
 بنجے بھ سدھراں دے نیلے
 اک جندڑی تے لکھ جھیلے





اتھے پھل دا کوئی نہ مل
 جو آوے اوہ ہتھ پاوے
 خشبو نال من پرچاوے
 تے لٹ پٹ کے سٹ جاوے
 سبھ سدھراں جاون رُل
 اتھے پھل دا کوئی نہ مل



جو آوے تن من ساڑے
 سبھ بھرویں باغ اجاڑے
 خشبو وی کردی ہاڑے
 کیوں قہر نوں ایڈی کھل
 اتھے پھل دا کوئی نہ مل



جد حد ٹٹے ہڑ آوے
 قہر اپنی کرنی پاوے
 سبھ کجھ اوہدا رڑھ جاوے
 سبھ شہر وی جاوے بھل
 اتھے پھل دا کوئی نہ مل





گھر گھر وچ لٹیاں ہیراں
 سب رانجھے چھڑ گئے ویڑے
 ہیراں نوں لے گئے کھیرے
 مک مچک گئے جھگڑے جھیرے
 کیوں کیتیاں ناں تدبیراں!
 کیوں جت گئیاں تقدیراں!
 گھر گھر وچ لٹیاں ہیراں



میں حال دہائی پائی
 ناں پاؤ گل وچ پھائی
 پر چوراں لٹ مچائی
 سب ہیراں بے تقصیراں
 چھنیاں نیں لیراں لیراں
 گھر گھر وچ لٹیاں ہیراں



غیراں نیں بھانڈ بالے
 جے اسی آں غیرتاں والے
 چک لیئے نیزے بھالے
 مُٹ جان سبھے زنجیراں
 ناں منگئے وانگ فقیراں
 گھر گھر وچ لٹیاں ہیراں





نئیں لبھدے لعل گواچے
 نئیں لبھدے لعل گواچے
 میں ڈھونڈیا شہر ہزاراں
 اوہ لعل نئیں وچ ہاراں
 میں لکھ سمندر تریا
 ناں لعلاں جھولا بھریا
 میں چھانے جنگل بیلے
 لعلاں توں خالی میلے
 سب باغ بغیچے
 کندے نیں بھڑے درتے
 نئیں لبھدے لعل گواچے
 نئیں لبھدے لعل گواچے



میں دل نوں کیہ سمجھاواں!
 میں کیہڑے پاسے جاواں!
 اتھے کہیاں نہیریاں چلیاں!
 اوہناں کیہڑیاں تھاواں ملیاں
 میں واج تے دے کے ویکھاں
 کیہ لکھیا اے وچ لیکھاں!
 اوہناں دا بھیت نہ کھولن
 سبھ قبریں وی ایہہ بولن
 نہیں بھدے لعل گواچے
 نہیں بھدے لعل گواچے





اکھر اکھر ہیرا موتی
 اکھ دا چانن دل دی جوتی
 اینناں ورگا پھل نہ ایتھے
 پر اینناں دا مل نہ ایتھے
 اینناں نوں رکھتے لے جاواں!
 کنہاں دا میں دل پرچاواں!
 کسے نہ اپنی قدر پچھانی
 کوئی نہ بجھے گل ان جانی
 اکھر اکھر لشکاں مارے
 اکھاں وچ پیندے لشکارے
 نال اینناں دے پیٹ نہ بھروا
 ناں مردا تے میں کیہ کردا!
 اُنج تے بوہتی چانن جوتی
 اکھر اکھر ہیرا موتی





اُنج ایدھی چال تے اتھری اے
 پر دل دی گل ای دکھری اے
 ایسہ باہروں بھاویں اوکھا سہی
 پر اندروں بڑا ای سوکھا اے
 اُنج رنگ تے ہور وی چنگے نیں
 پر ایدھا رنگ اجوکھا اے
 اُنج ایدھی چال تے اتھری اے
 پر دل دی گل ای دکھری اے



خواہاں وچ رنگ وی بھردا اے
 خالی سفنے ای بُندا نتیں
 جد اپنی کمن تے آ جاوے
 فیر ہور کسے دی سُندا نتیں
 اُنج ایدھی چال تے اتھری اے
 پر دل دی گل ای دکھری اے



ایسہ چل پیوے جناں راہواں تے
 اوہ راہواں کدے وی مُکدیاں نئیں
 ایدھے سودے دلاں دے سودے نئیں
 ایسہ ہریاں سدھراں مُکدیاں نئیں
 اُنج ایدھی چال تے اتھری اے
 پر دل دی گل ای وکھری اے



میں سبھ کجھ جان کے رب کولوں
 ایس دل دی یاری منگی اے
 ایسے لئی تے میں کہنا واں
 ایسہ دل دی یاری چنگی اے
 اُنج ایدھی چال تے اتھری اے
 پر دل دی گل ای وکھری اے





ایسہ چندرا دل نئیں من دا
 میں پنتاں ترلے پاواں
 میں لکھ ایہنوں سمجھاواں
 ایسہ اوہدے تے ای ڈُلھیا
 جہڑا سونے دے وچ تلیا
 جہڑا ماس وں کھاوے تن دا
 ایسہ چندرا دل نئیں من دا



پیا خواہاں دے وچ اڈے
 بن ڈور نہ چڑھدے گڈے
 ایدھے دونویں ہتھ خالی
 جند فیر وی سدھراں والی
 نئیں آس دا شیشہ بھن دا
 ایسہ چندرا دل نئیں من دا



چن لکے دور دریڈے
 پیا چھلاں نال ایہہ کھیڈے
 نتیں چن نیں کھولنی باری
 بھاویں مارے لکھ اڈاری
 کیہ میل چکور تے چن دا!
 ایہہ چندرا دل نتیں من دا





میں نس دن سفنے ویکھاں
 اوہ سفنے اج تے کل دے
 اوہ اٹھدی لہندی چھل دے
 اوہ سجے خواب ازل دے
 اج وی اوہ شوبھا گھر دی
 پیٹیاں کھنڈیاں میریاں ریکھاں
 میں نس دن سفنے ویکھاں



اوہ سفنے یاداں ورگے
 اوہ ننیں فریاداں ورگے
 اوہ پُھل 'مراداں' ورگے
 جنہاں دل دے وچوں کڈھیاں
 ویلے دی کھبیاں میکھاں
 میں نس دن سفنے ویکھاں



سفنہ چمکاون اکھیاں
 انج نجن جیویں سکھیاں
 دن راتی جھولن پکھیاں
 کیوں اوہناں نوں چھڈ دیواں
 جھڑے وسدے نیں وچ لیکھاں!
 میں نس دن سفنہ ویکھاں





اوہ گل کردی تے سنگدی
 میں بولاں تے اوہ بولے
 کیہ حال اے تیرے دل دا!
 میں پچھاں تے اوہ ڈولے
 میں کیہ کیہ ترے پاواں
 اوہ دل دا بوبا کھولے
 راکھی اپنے انگ انگ دی
 اوہ گل کردی تے سنگدی



اساں عشق دا پایا چولا
 تے پے گیا شر گراں وچ
 دوہاں دے پیار دا رولا
 اکو جیہا رنگ دلاں دا
 اوہ کملی تے میں ڈھولا
 اوہ ہیرا اے اپنے جھنگ دی
 اوہ گل کردی تے سنگدی

○
 اوہدی چھب کلیاں ورگی
 اوہدی تے گل گل لگدی
 مصری دیاں ڈلیاں ورگی
 اُنج تے اوہ بھیتی دل دی
 پُ لگدی جھلیاں ورگی
 مینوں اپنے رنگ وچ رنگ دی
 اوہ گل کردی تے سنگدی
 ○



ایسہ بلدے، بچھدے دیوے
 ایسہ سکھیاں، میریاں اکھیاں
 تری راہواں تک تک تھکیاں
 چن ماہی موڑ مہاراں
 دس کیویں عمر گزاراں!
 ناں کوئی بیراگن تھیوے
 ایسہ بلدے، بچھدے دیوے



مرا کوئی ناں اگے پچھے
 ہنجواں ناں پتر لکھے
 ناں آیا پیار سنہڑا
 پیا کوکدا دل دا ویڑا
 مینوں بھلن والا جیوے
 ایسہ بلدے، بچھدے دیوے



میں آس امید نہ توڑاں
 مینوں سبناں تیریاں لوڑاں
 ویری، اپنا پرچھاواں
 ایدھے وچ ڈُب نہ جاواں
 اک ساہ دا بھروسہ کیہ وے!
 ایسہ بلدے، بُجھدے دیوے





کے نہیں میرا ہتھ نہیں پھڑپھا
 پلے بنھ بنھ بنھو ہاواں
 ڈبدا رہیا میں وچ دریاواں
 کے نے میری سار نہ رلتی
 ساہ لیندا واں ڈریا ڈریا
 کے نہیں میرا ہتھ نہیں پھڑپھا



وعدے تے سبھناں نہیں کیتے
 دل دے بنجئے آپ ای تیتے
 رکنی واری بازی لائی
 ہر واری جت جت کے ہریا
 کے نہیں میرا ہتھ نہیں پھڑپھا



کے نوں کے دی کیہ پرواہ اے!
 سبھ دی اپنی اپنی راہ اے
 دکھ تاں اوہو جانے جیدھا
 لٹ جاوے دل سدھراں بھریا
 کے نہیں میرا ہتھ نہیں پھڑپھا



باغ دا بوٹا بوٹا پٹیا
 کس کس نے وسدا گھر لٹیا!
 کہنے نیاں کرنا ایں استھ!
 کیہ دساں بہہ کے وچ پریا!
 کسے نیں میرا ہتھ نئیں پھریا





کیا وسدا شہر اجاڑیا!
 ایتھے سوہنے سوہنے لوکی سن
 اکھیاں تارے تے مکھڑے چن
 پر لٹیا ویریاں تن من دھن
 کس کس دے قہر اجاڑیا!
 کیا وسدا شہر اجاڑیا!



بھڑے غیراں دی گل کردے سن
 بھڑے چوراں کولوں ڈردے سن
 ناں ماروے تے خود مروے سن
 سانوں دے کے زہر اجاڑیا
 کیا وسدا شہر اجاڑیا!



کھندے نیں کجھ وی ناں کیئے
 اپنے ہوٹھان نوں سی لیئے
 ڈردے نیں فیر ناں جی پیئے
 ساڈا اک اک پھر اجاڑیا
 کیا وسدا شہر اجاڑیا!





نویاں نسلان ساڈیاں فصلان نال ایہناں دے رہناں
 سوہنے سوہنے سجرے مکھ نہیں
 ہرے بھرے تے اچے رُکھ نہیں
 ایہناں دے لئی ساڈے مسکھ نہیں
 ایہناں دے دکھ ساڈے دکھ نہیں
 نالو نال ای ہسڈیاں ہسڈیاں سارے دکھ مسکھ سہناں
 نویاں نسلان ساڈیاں فصلان نال ایہناں دے رہناں



ہر پاسے پیسے دی دوڑ اے
 سانوں دولت دی کیہ لوڑ اے!
 ایہناں دے ہوندیاں کلہدی تھوڑاے!
 ڈاڈا پکا ساڈا جوڑ اے
 ایہناں نال ای ساڈا زور اے، ایہو ساڈا گہناں
 نویاں نسلان ساڈیاں فصلان نال ایہناں دے رہناں



کدے نہ رُکے ٹرے جائے
 کھوہ کھوہ گھیرے فصلوں گاہے
 چن تے سورج نوں ہتھ پائے
 رل رل گاہے ڈولے ماہے
 وانگ پکھیروآں اڈناں پڈناں دریا دریا بہناں
 نویاں نسلاں ساڈیاں فصلوں نال ایہناں دے رہناں





سن مَجَلنی کیہ پئی آکھے

بہرے جھوٹھ نوں جھوٹھ نہ کہندے جہڑے سچے بن بن بندے
اوہ اندروں کنے انھے جہڑے باہروں بڑے سجاکھے

سن مَجَلنی کیہ پئی آکھے

اوہناں ساڈا جھگا پٹیا اوہناں سانوں رج کے لٹیا
ایدھر صفرے ای صفرے اودھر دھا کے ای دھا کے

سن مَجَلنی کیہ پئی آکھے

اوہ سارے جگ لئی ہاسے ہن جاوَن کیہڑے پاتے
خود چوراں دے وس پے گئے جیہڑے فصلّاں دے راکھے

سن مَجَلنی کیہ پئی آکھے





ایسہ اچیاں نیویاں راہواں
 جنگل بیلے چوں لنگیاں
 میں دانہ دانہ مپگیا
 صدیاں دے ٹھیدے کھاندا
 میں منزل تیکر مپگیا
 میں جو منگاں اوہ پاواں
 ایسہ اچیاں نیویاں راہواں



پچھے ول مڑ مڑ ویکھاں
 کئی موسم جھاتیاں مارن
 کل سدھراں لے کے چلیا
 اج سدھراں بھار اُتارن
 ہن سرتے ٹھنڈیاں چھاواں
 ایسہ اچیاں نیویاں راہواں



چاہواں نیں ہتھ نہ چھڑیا
 سب راہواں سوکھیاں ہوئیاں
 اوہ جنم جنم دیاں یاداں
 میں اکھاں وچ پروئیاں
 راہواں وسیاں وچ ساہواں
 ایسہ اچیاں نیویاں راہواں





کدی دھپ، کدی چھاں
 کدی دکھ، کدی سکھ
 کدی پھٹی نہ پوہ
 کدی سرگی دی لو
 جیدھے وچ لٹکے
 تیرا پھل جیہا مکھ
 جیدھی گل گل وچ
 جیدھی چھل چھل وچ
 ترا ناں، مرا ناں
 کدی دھپ، کدی چھاں



کدی باغاں دی بہار
 کدی کنڈھیاں دے ڈنگ
 کدی پھل رنگو رنگ
 کھڑ کھڑ پنجدی
 دلاں وچ کوئی نار
 سدا وسدے رہون
 سدا ہسدے رہون
 ساڈے شہر گراں
 کدی دھپ، کدی چھاں





اساں رج کے گلاں کیتیاں نہیں
 اج کنیاں عمراں لنگ گئیاں!
 ایہہ سدھراں، ایہہ سکھیاں سیاں
 فیر وی سانوں پیٹیاں کھندیاں نہیں
 اساں عشق نمازاں نیتیاں نہیں
 اساں رج کے گلاں کیتیاں نہیں



رکنے ان ہونے کم کیتے نہیں
 رکنے زہر پیالے پیتے نہیں
 فیر وی خورے کیوں لگدا اے!
 اساں حسن شراباں پیتیاں نہیں
 اساں رج کے گلاں کیتیاں نہیں



سدھراں دے چاک وی سی لیئے
 جناں چاہیئے ہور وی جی لیئے
 کدے عشق دی کھیڈ اچ کنڈھیاں نہیں
 پھلاں دیاں پتیاں سیتیاں نہیں
 اساں رج کے گلاں کیتیاں نہیں





شام سویرے گھگھیاں کیہڑی مٹھڑی بولی بولن!
 خورے کیوں سرگی دے ویلے
 روز مرے سفنے وچ آون
 میں ازلوں نیندر دا مارو
 سُتیاں سُتیاں آن جگاوں
 پوہ پھڈے ای ٹھنڈیاں واواں وانگوں پکھیاں جھولن
 شام سویرے گھگھیاں کیہڑی مٹھڑی بولی بولن!



تیریاں مٹھیاں یاداں بن کے
 گاؤں میرے آسے پاسے
 سونہیاں سونہیاں گلاں کر کے
 پیار دلار دے ونڈن پتا سے
 چار چوہیرے نچن گاؤں بھیت دلاں دے کھولن
 شام سویرے گھگھیاں کیہڑی مٹھڑی بولی بولن!



ایہناں نال مری ہر سرگی
 ایہناں نال ای میریاں شاماں
 میں کاماں کم کردیاں کردیاں
 جد ٹٹ جاواں، جد تھک جاواں
 میری لیکھ دی مٹی وچوں مچے موتی رولن
 شام سویرے گھگھیاں کیٹری مٹھری بولی بولن!





میں پیار دی سچ وچھاواں
 اکھیاں راہواں وچ رکھیاں
 ناں اکیاں ناں اے تھکیاں
 دل دھک دھک تینوں بلاوے
 اپنے کولوں ہر ویلے
 تیری ای خشبو آوے
 ساہ ساہ وچ تینوں وساواں
 میں پیار دی سچ وچھاواں



مرا سبھ کجھ نہیں ایسہ یاداں
 ایہناں ناں ای میں آباد آں
 جے بھُل کے پھیرا پاویں
 جے آپ نہ آویں سجاں
 مینوں اپنے کول بلاویں
 میں نندی نندی آواں
 میں پیار دی سچ وچھاواں



دس! سبھ کچھ خواب خیال اے!
 مرا کونج دے ورگا ہاں اے
 میں کد تک سفنے ویکھاں!
 میں جھلی، کل مکی
 بس ایہو سی وج لیکھاں
 مرا یار ترا پرچھاواں
 میں پیار دی تیج وچھاواں





مرا نواں نواں پیار
 کراں ہار تے شنگھار
 مرے کچلے دی دھار
 مری اکھاں دا خمار
 مرے دل دی بہار
 مینوں کھندی رکنی وار
 ویکھاں یار دلدار
 مرا نواں نواں پیار



دے راتی ترفاوے
 مرا دل کلپاوے
 جنہوں لبھدی نہ آوے
 مینوں اکو اوہو بھاوے
 میتھوں چکیا نہ جاوے
 مرا اپنا ای بھار
 مرا نواں نواں پیار



رکتھے اڈ پڈ جاواں
 ہنوں لہجہ کے لیاواں
 ۱؎ میرا سرناواں
 جید میں پرچھاواں
 جید؎ تگدنی آں راہواں
 جیدھی ت؎ میری ہار
 مرا نواں پیار





بے خبریا تینوں یاد وی اے
 اکھیاں دے وچ دل نوں رکھ کے
 توں میرے کول وی آیا سیں
 میں تیری پیاس بجھائی سی
 توں صدیاں دا ترہایا سیں
 ہُن تیرا گھر آباد وی اے
 مینوں کلیاں چھڈ کے بھلیا ایں!
 ایسہ میرا گھر برباد وی اے!
 بے خبریا تینوں یاد وی اے!



ہُن تھاں تھاں دَسدا پھرنا ایں
 توں رکنال وڈھا پپاری ایں
 میں اپنے آپ نوں کہنی آں
 توں اوہدے کولوں ہاری ایں!
 تینوں مار کے جھڑا شاد وی اے!
 تینوں کون دے ہُن کلہدے لئی!
 مرے ہوٹھاں تے فریاد وی اے
 بے خبریا تینوں یاد وی اے!





میں ہور کسے دل کیوں دیکھاں مینوں اپنا رنگ جماون دے
 بہتے نہیں رنگ زمانے دے
 ایتھے بے رنگاں دی تھوڑ وی نہیں
 میں جھیرا بوٹا لایا اے
 اوس بوٹے دا کوئی جوڑ وی نہیں
 خشبو ایس سجرے بوٹے دی ساہ ساہ دے وچ رچاون دے
 میں ہور کسے دل کیوں دیکھاں مینوں اپنا رنگ جماون دے



ایتھے پت جھڑ گرمی سردی
 سبھ آون جاون والے نہیں
 ایتھے کدی بہار وی ٹھہری نہیں
 سب موسم دیکھے بھالے نہیں
 جنہیں آ کے مڑ جانا نہیں مری اوس بہار نوں آون دے
 میں ہور کسے دل کیوں دیکھاں مینوں اپنا رنگ جماون دے



ذرا جھاتی مار کے دیکھتے سہی

کہیا رنگ اسمانی کھڑیا اے!

ذرا دھیان لگا، کن کھول ذرا

کہیا راگ اولڑا چھڑیا اے!

اوس پرلے پاردا بھیت اے کیہ مینوں پرلے پاروی جاون دے

میں ہور کسے دل کیوں دیکھاں مینوں اپنا رنگ جمان دے





ترے پیار دی پینگ ہلاراں
 توں اپنے جھوٹے دیویں
 بن جاواں پینگ اسمانی
 کپے بنھ کے حیرانی
 ترے قدماں وچ ڈگ جاواں
 میں دل دا بھار اتاراں
 ترے پیار دی پینگ ہلاراں



توں بانسواں دے وچ لے کے
 مینوں جگ دی سیر کراویں
 نا ہتھوں ہتھ چھڑاویں
 بھانویں دنیا اکھیاں مارے
 تیری چاہ دے وچ سبھاں
 جند جان وی اپنی واراں
 ترے پیار دی پینگ ہلاراں



توں مان تران ایں میرا
 توں میرا تخت تے تاج ایں
 توں جھلا میرے باج ایں
 میں تیرے باج آں کملی
 دنیا توں ہار نہ مناں
 ترے اگے سب کچھ ہاراں
 ترے پیار دی پینگ ہلاراں





توں کیہڑیاں تھواواں ملیاں!
 تینوں لبھ لبھ کے تھکیاں
 ایسہ میریاں کملیاں اکھیاں
 مینوں دین دلا سے سکھیاں
 سبھ سدھراں ہویاں جھلیاں
 توں کیہڑیاں تھواواں ملیاں!



توں سرمہ میری اکھ دا
 میں لکھ دی تے توں لکھ دا
 کدی میرا پیار وی چکھدا
 چاہواں دیاں مٹھیاں چھلیاں
 توں کیہڑیاں تھواواں ملیاں



آ بن کے میرا راکھا
 توں آپ ایس بڑا سجاکھا
 ہن من لے میرا آکھا
 میں راہواں دے وچ کھلیاں
 توں کیہڑیاں تھواواں ملیاں!





مینوں چھڈ نہ جاویں بچناں میں آں تیری منگ
اندروں اندریں ڈرنی پئی آں لگ نہ جاوے لام
اے تے ہن سویر ہوئی اے، پے نہ جاوے شام
لوکی جنگ دیاں گلاں کردے چھڑ نہ پیوے جنگ!
مینوں چھڈ نہ جاویں بچناں میں آں تیری منگ



پہلاں ای لاہاں جنگاں نیں سانوں مار مکیا
تجھکھے ڈھڈ اساڈے، اتوں ساڈا دل ترہیا
سینے چھیدو چھید نیں ساڈے، کھا گئے تیر تفنگ
مینوں چھڈ نہ جاویں بچناں میں آں تیری منگ



جنگاں جنہاں دے گھار اجاڑے کلیاں بہہ کے رون
جنگاں روکن لئی توپاں دے اگے آن کھلون
جے جنگاں چھڑ پیٹیاں کٹ جاواں نہ وانگ پتنگ!
مینوں چھڈ نہ جاویں بچناں میں آں تیری منگ



پیار دی خشبو، امن دا جادو ایہو پیار شگھار
 اینناں نال ای مہکے چمکے ساڈا سبھ گھر بار
 ازلاں توں ابداء تک سونیاں تیرا میرا سنگ
 مینوں چھڈ نہ جاویں بچناں میں آں تیری منگ





سبھ کلیاں کھڑ کھڑ پیئیاں
 خشبو دے ہلے جھلے
 سدھراں دے بوہے کھلے
 دل، پیار دی تکرڑی تیلے
 دکھ بھلیاں سکھیاں سیّاں
 سبھ کلیاں کھڑ کھڑ پیئیاں



اڈ اڈ کے گھبرو آئے
 مرّ بنجے کھیت وسائے
 سبھ پیار دے سن ترہائے
 سبھ نوں چاہواں مل گئیاں
 سبھ کلیاں کھڑ کھڑ پیئیاں



اساں دکھ دے کوہلو پیلے
 تڈ مہکے بنگل بیلے
 وسدے رہون ایسہ میلے
 سبھ چھاواں اکو جھیاں
 سبھ کلیاں کھڑ کھڑ پیئیاں





اوہ اٹھدیاں بہندیاں کہندے نہیں
 ایہہ ساری کھیڈ مقدر اں دی
 لوکی اوہناں دیاں گلاں دی
 ایس اگ وچ دھندے رہندے نہیں
 اوہ ویر کرن یا قہر کرن
 ایہہ چپ چپتے سہندے نہیں
 ایہہ بولن تے ہن بولن کیہ!
 اتھے کوئی نہ سدا سدھراں دی
 اوہ اٹھیاں بہندیاں کہندے نہیں
 ایہہ ساری کھیڈ مقدر اں دی



اوہ جیہڑے دل دے کھوٹے نہیں
 اوہ گل وی کھوٹی کردے نہیں
 اوہناں نوں کیہ 'رب دی مرضی
 جے لوکی بھکھے مردے نہیں
 ایس لوبھ دی ماری دنیا وچ
 کیہ عزت چٹیاں چدراں دی!
 اوہ اٹھدیاں بہندیاں کہندے نہیں
 ایہہ ساری کھیڈ مقدر اں دی



جھڑے اندروں باہروں سچے نہیں
 اوہناں دے دن کد آون گے!
 جھڑے حق دی خاطر مردے نہیں
 اوہ کد تک مردے جاون گے!
 ایتھے کد تک چلدی رہوے گی
 بے درداں دی بے قدراں دی!
 اوہ اٹھدیاں بہندیاں کھندے نہیں
 ایسہ ساری کھیڈ مقدر اں دی





کیوں اکھیاں بھر بھر آیاں!
 مینوں کجھ وی کہن نہ دیوے
 میں گل کراں اوہ رووے
 ہنجواں وچ اپنے دل دے
 اوہ کیہ کیہ پھٹ پرووے!
 بولے تے بول نہ سکے
 ناں ایڈا درد وی ہووے
 کیوں لگدی وانگ سودائیاں!
 کیوں اکھیاں بھر بھر آیاں!



مرے ہتھاں وچ ہتھ لے کے
 اوہ چاہوے بیٹھاں رہواں
 اوہدے ہر جواب اج اتھرو
 میں کیہ کجھ کیہ کجھ کہواں!
 جو دل تے آون چوٹاں
 میں کد تیکر اوہ سہواں!
 کہیاں گھر گھر نہیریاں چھائیاں!
 کیوں اکھیاں بھر بھر آیاں!



کس کس نوں اوہدا چاء سی
 آج سبھے ہوئے پرانے
 ہن غیراں وانگوں پچھن
 دھیاں پتر ماں پیو جائے
 آج ویری گھر دیاں کندھاں
 آج رکتھے نین ہمسائے!
 سب سکھیاں آج پرانیاں
 کیوں اکھیاں بھر بھر آئیاں!





ساڈی ونبھلی دیاں کوکاں
 بھاویں رکنے ہو کے بھریے!
 بھاویں لکھ فریاداں کریے!
 سبھ ویری اَنّھے، ڈورے
 ناں تكدے تے ناں سُنْدے
 اِتھے آپے بھانڑ بالے
 اساں مار مار کے پھوکاں
 ساڈی ونبھلی دیاں کوکاں



اساں ویکھی گرمی، سردی
 سبھ موسم نین بے دردی
 اساں فیر وی ہار نہ منی
 بھاویں بے درداں بے قدراں
 کجھ ایناں بھار سی پایا
 ٹٹ گئیاں پَسلیاں، چوکاں
 ساڈی ونبھلی دیاں کوکاں



بھاویں ساہ ساہ دے وچ مروی
 ایہہ ونبھلی سب دی دروی
 بھکھے، ننگے، ترہائے
 سہناں دی پیاس بجھائے
 بھاویں آپ کرے فریاداں
 ایدھے وچ سب دیاں ہوکاں
 ساڈی ونبھلی دیاں کوکاں





چرنے دی گھوکر بولے
 میں پیار دا سوتر کتاں
 کیوں مڑ مڑ گنجل پیوے!
 مینوں کجھ وی سمجھ نہ آوے
 مینوں خورے کیہ کجھ کھوے!
 گھوکر دے وچ دل ڈولے
 چرنے دی گھوکر بولے



سوچاں، چرنے دی گھوکر
 کیوں میری سوکن ہوئی!
 جیہڑی کل سی مری سہیلی
 اج اوہدے ہتھوں موئی
 کیوں بھیت نہ دل دا کھولے!
 چرنے دی گھوکر بولے



سجاں جے توں مڑ آویں
 چرخہ بلی بن جاوے
 نا گھوکر طعنے مارے
 مینوں تیرا ہتھ پھڑاوے
 ونجھلی وانگن رس گھولے
 چرخے دی گھوکر بولے





کیہ ہووے گا جے کر جنگاں فیر ایتھے چھڑ پیئاں!

بھکھاں دی ماری ہوئی دنیا

ایسہ ٹٹی ہاری ہوئی دنیا

اندر ہر بندے دا کھولا

ہر پاسے جنگاں دا رولا

کالیاں تے چٹیاں دے جھیرے

نچے کر گئے وسدے ویڑے

جھگڑے جھیرے چک جاوے گے جے فوجاں بھڑ پیئاں!

کیہ ہووے گا جے کر جنگاں فیر ایتھے چھڑ پیئاں!

ایٹماں نیں اوہ دھوڑ اڈائی

گھر گھر نچی اگ پرائی

مک گئیاں اوہ پچھلیاں نسلاں

مڑ اگ آئیاں نویاں فصلاں

جت لئی پیار، محبت بازی

ہر شے ہن سجری تے تازی

فیر نہ تتی وا جھل پیوے جے کلیاں کھڑ پیئاں!

کیہ ہووے گا جے کر جنگاں فیر ایتھے چھڑ پیئاں!





تینوں یاد کراں تے روواں
 توں بھُل کے اپنیاں گلاں
 ہن کیہڑیاں راہواں ملیاں
 گھر دی ٹھنڈی چھاں چھڈ کے
 ہن رکتے نیں رنگ رلیاں
 منتاں تے زاریاں کیتیاں
 ترے اگے پیش نہ چلیاں
 ہن سکرے لگی ہوئی
 میں اپنی جندڑی کھواں
 تینوں یاد کراں تے روواں



مرے کول نہ بلی کوئی
 میں کل مکی ہوئی
 کچھ توں وی مار مکایا
 کچھ اپنے ہتھوں موئی
 میں ہنجواں نال ای اپنی
 پئی کردی آں دل جوئی
 میں ہنجواں دے نال ساہ دئی
 دس کد تک تند پروواں!
 تینوں یاد کراں تے روواں





دل تے پھٹ جیہڑے آئے نیں اوہ نتیں بھرنے پیاریا
 کاہنوں ہن توں دیویں دلا سے
 مینوں کھا گئے جگ دے ہا سے
 دکھ دیاں کندھاں چارے پاسے
 تیرے لئی میں جوگن ہوئی، وسدا گھار اساریا
 دل تے پھٹ جیہڑے آئے نیں اوہ نتیں بھرنے پیاریا
 کیہڑا کیہڑا درد پھرولاں!
 کنڈیاں دے وچ جندڑی رولاں
 کیہ بولاں تے کیہ نہ بولاں!
 تیرے لاریاں، بھ دے طعنیاں معنیاں مینوں ماریا
 دل تے پھٹ جیہڑے آئے نیں اوہ نتیں بھرنے پیاریا
 گزریا ویلا ہتھ نہ آوے
 ساہ ساہ وچ لوں لوں کرلاوے
 انہونی ہونی بن جاوے
 پیار دی کملی کھیڈ دے وچ توں جتیا تے من ہاریا
 دل تے پھٹ جیہڑے آئے نیں اوہ نتیں بھرنے پیاریا





کیوں غیراں کولوں منگنا ایس کدی بجنال کول وی آ
 جہڑے سپ دے منکے ویچدے نیں پہلے دیندے نیں فیر کھدے نیں
 جہڑے کنڈلی مار کے بیٹھے نیں اوہ شوکر مار کے ڈسدے نیں
 جہڑے مٹھے زہر چٹاندے نیں ناں اوہناں دے گھر جا

کیوں غیراں کولوں منگنا ایس کدی بجنال کول وی آ
 کیوں ہوراں دے ول ویکھنا ایس کدے اپنے ول وی تیکیا ای
 جہڑا بھٹیا اپنی دھرتی توں کدے اوہ میوہ وی چکھیا ای
 کسے ہور دا بوٹا پھلنا نہیں اتھے اپنا بوٹا لا

کیوں غیراں کولوں منگنا ایس کدی بجنال کول وی آ
 سبھ لوکی تیرے ججن نیں ایہناں ول جھاتی مار تاں سہی
 جے ایہناں دا دل جتناں ای ایہناں اگے دل ہار تاں سہی
 ایسہ ڈبدا بیڑا تار دے نیں ایہناں نوں ہتھ پھڑا

کیوں غیراں کولوں منگنا ایس کدی بجنال کول وی آ





میں چنی رنگائی پیار دی
 جھلیا پا مینوں پیار دا چاء چڑھیا ہار سنگار دا
 مرے مکھ تے پھل گلاب دے تری خشبو عشق کتاب تے
 مری چنی بھین بہار دی

میں چنی رنگائی پیار دی
 ایسہ اڈی وانگ پتنگاں دے ایسہ رنگ نیں میریاں ونگاں دے
 میں اڈی پھراں ہواواں وچ دُھم پے گئی شہر گراواں وچ
 اک جھلی جی ٹیار دی

میں چنی رنگائی پیار دی
 میں کچے گھرے تے ترنا نہیں میں سستی وانگوں مرنا نہیں
 مرے ہتھ وچ ہتھ چن ماہی دا مرے دل دے ڈھول سپاہی دا
 مرے بوہے تے جنج یار دی

میں چنی رنگائی پیار دی





کاگ اڈاون آئی ساں میں آپے وی اڈ چلی
 جنہوں خواہاں دے وچ تکیا باغاں وچ اوہ مینوں لبھیا
 جیرا میرے پیار دا رنگ سی اوہو رنگ اوہدے تے بھیا
 میں تے اوہنوں ویکھ ویکھ کے اڑیو ہو گئی جھلی
 کاگ اڈاون آئی ساں میں آپے وی اڈ چلی
 سفنے تے سفنے ہوندے نیں اوہناں تے ٹٹ پھٹ جانا سی
 جیرا سی پرچھانویں وانگوں اوہنے کدوں مڑ آؤنا سی
 کاہنوں اکھیاں پائے بھلیکھے، رُل گئی جند اولی
 کاگ اڈاون آئی ساں میں آپے وی اڈ چلی
 کوئی دل دی ریتھ نہ لائی کٹ گیا گڈا کاگ وی اڈ گئے
 سدھراں ساریاں مرکھپ گئیاں نال ہوا دے بھاگ وی اڈ گئے
 نکرے دے وچ لگی ہوئی روداں کل مکلی
 کاگ اڈاون آئی ساں میں آپے وی اڈ چلی





پکھڑی پھڑ کے بٹ بٹ بٹ بٹ تکنے آں
 ساڈیاں گڈیاں غیراں دے ہتھ ڈور اتھ
 اپنے مانجھے لا لا ساڈیاں گڈیاں ہور چڑھاندے نیں
 ساڈیاں گڈیاں اچیاں کر کے ساڈی ڈور مکاندے نیں
 انج تے ساڈے یار نیں ساتھوں وچلی گل لکاندے نیں
 جے کر اوہناں دی نہ منئے جھوکا مار مکاندے نیں
 انج لگدا اے اوہناں دی اے ساڈی نیں ہن لوڑ اتھ
 پکھڑی پھڑ کے بٹ بٹ بٹ بٹ تکنے آں
 ساڈیاں گڈیاں غیراں دے ہتھ ڈور اتھ



دوویں خالی ہمتاں دے وچ چکھڑی اوہناں پھڑائی اے
 بے سمجھاں بے ہمتاں والے سمجھن ایہو بڑائی اے
 پر اتھتھے نہیں پکئی اوہناں جیہڑی دیگ چڑھائی اے
 اساں کدے نہ منی جیہڑی اوہناں تہانوں پڑھائی اے
 اوہناں جو کجھ مٹھی ہوئی اے اوہ نہیں چڑھنی توڑ اتھ
 چکھڑی پھڑ کے بٹ بٹ بٹ بٹ تکلے آں



ساڈیاں گڈیاں غیراں دے ہتھ ڈور اتھ
 اپنی چکھڑی اپنیاں ڈوراں سبھ نوں چنگیاں لگدیاں نیں
 اساں نہیں ہن کھیڈنیاں اوہ کھیڈاں جیہڑیاں اگ دیاں نیں
 زرے وچوں سورج کڈھیا ہن گلاں جگمگ دیاں نیں
 ویکھو تے سہی ساڈے اتے نظراں سبھ جگ دیاں نیں
 تکلے کیوں غیراں ول کیہڑی گل دی سانوں تھوڑ اتھ
 چکھڑی پھڑ کے بٹ بٹ بٹ بٹ تکلے آں
 ساڈیاں گڈیاں غیراں دے ہتھ ڈور اتھ





بولے مرا سواں
 کنڈھے اُتے بیٹھی ہوئی اک چپ چپیتی نار
 ایسہ ایتھے پر اج اوہ رکتھے راول سوہنا یار
 کئے ڈوبنگے بھیت دلاں دے کھولے مرا سواں

بولے مرا سواں
 لہ لہ سنگیت سناوے، دیکھو حسن کمال
 کئے قافلے رُکے، رُڑ گئے، وگدے ویلے نال
 جیہڑیاں گھنڈاں کدے نہ کھلیاں، کھولے مرا سواں

بولے مرا سواں
 پوٹھوہار دی اپنی بولی، وکھری ایدھی شان
 ایدھی اک اک دھڑکن دے وچ وسے پاکستان
 راوی، سندھ، جمنال وچ امرت گھولے مرا سواں

بولے مرا سواں



مصنف:

جیل ملک

ولادت:

۱۲ اگست ۱۹۲۸ء راولپنڈی

تعلیم:

ایم۔ اے اردو، ایم۔ اے فارسی، بی ایڈ

ڈپلوما صحافت (پروفیسر ریٹائرڈ)

تصانیف:

۱. سروچراغاں (غزل) ۱۹۵۸ء

۲. طلوع فردا (نظم) ۱۹۶۲ء

۳. ندیم کی شاعری فکر، فن، شخصیت (تنقید) ۱۹۷۲ء

۴. پردہ سخن (غزل) ۱۹۷۵ء

۵. پس آئینہ (نظم) ۱۹۸۳ء

۶. شاخ سبز (غزل) ۱۹۸۶ء

۷. بحری چھاں (پنجابی شاعری) فنماں، غزلاں، گیت ۱۹۸۷ء

۸. خورشید جاں (نظم) ۱۹۹۶ء

۹. صدف ریزے (ہائیکو) ۱۹۹۶ء

۱۰. ادبی منظر نامے (تنقیدی مضامین) ۱۹۹۶ء

۱۱. اوصاف (حمد و نعت) ۱۹۹۷ء

۱۲. جھروکے (گیت) ۱۹۹۷ء

۱۳. آساں پیاساں (پنجابی غزلاں) ۱۹۹۸ء

۱۴. شائستہ بہار (غزل) ۱۹۹۸ء

۱۵. وصال رنگ رنگ (مختصر نظمیں) ۱۹۹۹ء


۱۶. پھول، رنگ، خوشبو (ہائیکو نظمیں) ۱۹۹۹ء

۱۷. زخم ہنر (غزل) ۱۹۹۹ء

۱۸. پس اظہار (غزل) ۲۰۰۰ء

زیر ترتیب و اشاعت:

(۱۹) عمدہ اقبال (تنقیدی مضامین) (۲۰) ہائیکو (۲۱) نظمیں (۲۲) تنقیدی مضامین



○ جمیل ملک دی شاعری اپنی ماں تے دھرتی ول پچی تے اپنی ازاری اے۔ ایدھے وچ نوکلا پن وی اے تے نرمتا وی۔ ایدھے وچ لوکاں لئی سینھا وی اے تے آون والے پیچھے سے وی۔ تے ایسہ کوئی گھائے دا سودا نہیں، سگوں بڑی وڈی ونک اے، سچا سودا اے۔

سینے وچ رکھ سکنا ایس تے اگے ہتھ ودھا سونے چاندی دے پلڑے وچ سدھراں نوں نہ تول
افضل پرویز (بحری چھاں) ۱۹۸۶ء

○ جمیل ملک دے اکھراں وچ بولتاری وی اوے حساب نال پڑھن سنن والے اگے اپنا اندر کھولدی جائے گی جس حساب نال کسے نوں شعراں وچ ورتے گئے لفظاں دی گہرائی دا پتہ ہووے گا۔ غزل تے ایس توں بالکل ہتھل سی۔ سچ تاں ایسہ وے بے غزل دا مکھڑا ای جمیل ملک دے سردا سرا ہوندا اے۔

اپنی ماں بولی وچ غزلاں کہنا واں انج لگدا اے ماں دے کول ای رہنا واں
شریف کنجاہی (آساں پیاساں) ۱۹۹۸ء

○ ناصر شہزاد نے جمیل ملک دے بارے خوب کہیا سی:
”جمیل ملک کے ہاں اردو گیت کے عجب انداز ہیں اور عجب اعجاز۔۔۔۔۔ جمیل ملک کا شعری کثرت بڑا تازہ بڑا تچ تقاضا ہے۔۔۔۔۔ تے میں ایس وچ صرف ایٹاں وادھا کراں گا بے جمیل ملک دے ایسہ پنجابی گیت اوہناں دی زندگی تے تجربے تے آدرشاں دا ایجاز دی نیس تے اعجاز دی۔ ایہناں وچ اوہناں دی پہچان کران والا اسلوب وی اے تے اک انفرادیت وی اے بیہوشی اوہناں کولوں کھلواندی اے۔“

اک رانجھا دل دے جھنگ دا مینوں اپنے رنگ وچ رنگ دا
ڈاکٹر اعجاز راہی (وہ بھلی دا دل دریا) ۲۰۰۰ء